



Vatandin yaxshi yor bo'lmas!

VATANDOSH

Нархи: \$0.25

www.vatandosh.com The First Uzbek Newspaper in the U.S. | АҚШдаги биринчи ўзбекча газета | 2013 йил 15 март, № 24



**Ўзбекистон ташқи ишлар вазири
Абдулазиз Комилов АҚШ давлат котиби
Жон Керри билан учрашди**

2 бет



7 бет

**Сиёсий спектакль:
сиёсий обрў ва оддий
америкаликлар фарёди**

**Юлдуз
Усмонова
Дубайда
концерт
беради**

Ўзбекистон халқ артисти Юлдуз Усмонова шу йилнинг 28 март кунини БААнинг Дубай шаҳрида концерт дастурини намойиш этади.



5 бет



4 бет

Мордовияда Ўзбекистон фуқаролари йўл-транспорт ҳодисасига учрашди

Мордовиянинг Чамзин туманида юз берган автоҳалокатда бир нафар Ўзбекистон фуқароси ҳалок бўлган, яна олти нафари тан жароҳати олган.



9 бет

Афғонистонда 1980 йилда бедарак кетган ўзбек аскари топилди

Аскар Баҳриддин Ҳакимов 1980 йилда Афғонистонда бедарак кетганлар рўйхатида эди.

HALAL



8 бет

ORDER ONLINE
www.oasismegamarket.com
OR BY PHONE
718-759-6030
2828 Coney Island Ave
Brooklyn NY

Oasis
Mega Market

Газетага сайтимиз орқали обуна давом этмоқда: www.vatandosh.com/obuna

Ўзбекистон ташқи ишлар вазири Абдулазиз Комилов АҚШ давлат котиби Жон Керри билан учрашди

Аввал хабар қилганимиздек, шу кунларда Ўзбекистон ташқи ишлар вазири Абдулазиз Комилов бошчилигидаги делегация АҚШда музокаралар олиб бормоқда. Хусусан, кеча Ўзбекистон ташқи ишлар маҳкамаси раҳбари АҚШ давлат котиби Жон Керри билан учрашди.

Жон Керри Ўзбекистон ташқи ишлар вазири Комилов жанобларини ташриф билан қутлаб, "биз бу ерда бугунги кундаги ўта муҳим масала хавфсизлик ва ўзаро алоқаларимиз ҳақида батафсил фикрлашиб оламиз", деб қайд этди. Унинг фикрича, Ўзбекистон Афғонистонни қайта тиклаш ишларига жуда, жуда муҳим кўмакни кўрсатмоқда ва айни пайтда ушбу мамлакатда ижтимоий инфратузилмаларни бунёд этиш, чунончи, темир йўл ётқизиш, электр энергияси билан таъминлаш ишларига Ўзбекистон фаол кўмаклашмоқда. У, шунингдек, инсон ҳуқуқлари ва бошқа масалаларда ҳам фикр алмашиш керак бўлишини айтиб ўтди.

Ўзбекистон ташқи ишлар вазири Абдулазиз Комилов, ўз навбатида, илиқ қабул учун делегация номидан ташаккур билдириб, бугунги учрашув икки давлат ўртасидаги алоқалар, сиёсий, иқтисодий ва гуманитар ҳамкорлик ҳақида фикр алмашмоқчимиз.

Ўзбекистон ташқи ишлар вазирига кўра, Ўзбекистон Афғонистон муаммосига катта урғу бермоқда. "Биз АҚШ билан изчил ҳамкорлик қилиб келамиз. Биз истиқболда ҳам Афғонистон, умуман, Марказий Осиёда тинчлик ва барқарорликни таъминлашга хизмат қиладиган ҳамкорликни ривожлантиришга катта эътибор қаратамиз", деди у жумладан.



Конгресс вакиллар палатасининг Ташқи ишлар масалалар бўйича қўмитаси ўтказган парламент эшитувида маълум қилинган.

АҚШ Ўзбекистонга терроризмга қарши курашишда ёрдам беради

Евроосиё минтақасида радикал диний гуруҳлар томонидан террористик таҳдидлар масаласига бағишланган мазкур парламент эшитувида АҚШ давлат котибининг Жанубий ва Марказий Осиё бўйича ёрдамчиси Роберт Блейкнинг қайд этишича, Америка Ўзбекистонга муҳофаа харақатига ҳарбий техникаларни етиказиб берган.

"Ўзбекистон томонидан йирик кураш учун ишлатилган кураш-яроғ сўралаётгани йўқ. Расмий Тошкент муҳофаа қобилиятини мустаҳкамлашни, шунингдек, икки томонлама савдо-иқтисодий алоқаларни мустаҳкамлашни сўрамоқда", деди Р.Блейк конгрессменларга қарата.

"Биз Марказий Осиё мамлакатлари хавфсизлигига терроризм жиддий таҳдид солади, деб ўйламаймиз, аммо бу борада барибир турли таҳдидлар борлигини унутмаслик керак. Шу боис терроризм масаласида ушбу ҳудуд бўйича хотиржам бўлиш ярашмайди", деди у, жумладан.

У, шунингдек, 2014 йилдан кейин Афғонистонда ишлатилган ҳарбий техникаларнинг бир қисми (куроллар эмас) Марказий Осиё мамлакатларига тақдим этилишини маълум қилди.

Сўнгги маълумотларга кўра, АҚШ давлат департаменти Ўзбекистонга 12,6 миллион доллар миқдорда кўмак ажратади. Ундан 3,4 миллион доллари хавфсизлик соҳасига йўналтиради.

АҚШ ҳукумати Ўзбекистонга терроризмга қарши курашишда яқиндан кўмак бериши мумкин. АҚШ ҳукуматининг мазкур кўмаги ҳақида АҚШ давлат департаменти юқори мартабали вакиллари томонидан

Ўзбекистон АҚШ билан фуқаролик жамиятини ривожлантириш бўйича ҳамкорлик қилади



Ўзбекистон Республикаси ташқи ишлар вазири Абдулазиз Комилов бошчилигидаги Ўзбекистон делегацияси АҚШда бир қатор расмий доиралар билан музокаралар олиб борди. Ушбу ташриф доирасида бир қатор ҳужжатлар имзоланди.

Инсон ҳуқуқлари бўйича Ўзбекистон Республикаси миллий маркази ҳамда Вашингтонда жойлашган Нотижорат ҳуқуқ халқаро маркази ўртасида англашув меморандуми имзоланди. Бу ҳақда Ўзбекистоннинг АҚШдаги элчихонаси маълум

қилди. Меморандум икки жамоат ташкилоти ўртасида фуқаролик жамиятини шакллантириш, инсон ҳуқуқлари маданиятини ривожлантириш, ҳукумат фаолияти устидан жамоатчилик назоратининг кучайтириш, давлат ҳокимияти ва очиқлиги ҳамда ижтимоий шериклик масалаларида ҳамкорлик ўрнатишни кўзда тутди.

Инсон ҳуқуқлари бўйича Ўзбекистон Республикаси Миллий

маркази директори Акмал Саидов ҳамда Нотижорат ҳуқуқ халқаро маркази вице-президенти Наталиа Боржули хоним ўзаро тенглик ва миллий қонунчиликни ҳурмат қилган ҳолда ҳамкорлик алоқаларини кучайтиришга алоҳида эътибор қаратишини маълум қилишди.

Мазкур меморандумнинг имзоланиши Ўзбекистон ва АҚШ ўртасида ҳамкорлик алоқаларининг кенгайтириш бораётганидан далолат.

Vol. 24. Friday,
March 15, 2013

Publisher:

Farhod Sulton

farhod@vatandosh.com

Deputy Editors:

Murod G'afurov

Mavlon Shukurzoda

shukurzoda@vatandosh.com

Managing Editors:

Jora Bo'takoz

Lutfulla To'ra

Narkhudja Sadikov

Tamara Nazarova

Abdulvohid Sabri

Abdurahmon Mamadjanov

Hikmat Sulton

Web Developers:

Shohruh Kenjaev

**Editorial and Executive
office:**

2705 Coney Island Ave.

Brooklyn, NY, 11235

Phone: 646.397.0325

Web: www.vatandosh.com

Email: info@vatandosh.com

All materials in this newspaper have been copyrighted and are the exclusive property of Vatandosh, Inc, and cannot be reproduced without the due consent of the publisher.

The views and opinions expressed by our columnists do not necessarily reflect the editors' point of view.

We are not responsible for contents of advertisements and products and establishments advertised in Vatandosh.

"ВАТАНДОШ"ГА ОБУНА БЎЛИНГ:

Газетамизга обуна бўлинг. "Ватандош" ҳар ой хонадонингиз меҳмони бўлсин.

www.vatandosh.com/obuna

Ўзбекистон фуқаролари Россиядан 5,7 миллиард доллар жўнатган

Ўзбекистон фуқаролари Россия федерациясидан 2012 йилда юборилган пул ўтказмалари миқдори 33 фоизга ўсиб, 5,7 миллиард АҚШ долларини ташкил этди. Бу Россия марказий банки расмий сайти эълон қилган маълумотларда ўз аксини топган.

Ўзбекистон фуқаролари 2012 йилда 5,693 миллиард доллар миқдорида пул жўнатишган. 2011 йилда бу миқдор 4,276 миллиард долларни ташкил этган. Бунда ҳар бир юборилган ўтказманинг миқдори 466 долларга тушган. 2011 йилда бу 523 доллар атрофида эди.

Қозоғистонга юборилган пул ўтказмалари миқдори 461 миллион долларни, Қирғизистонга 1,859 миллиард, Тожикистон 3651 миллиард, Туркманистон 37 миллион долларни ташкил қилган.

Россия федерал иммиграция хизмати маълумотларига кўра, Россияда ҳозирги кунда 10,2 миллион нафардан ортиқ чет эл фуқаролари бўлиб, уларнинг 23 фоизини Ўзбекистон фуқаролари ташкил этади. 13,3 фоизи, яъни 1,342 миллион нафари эса Украина фуқароси, 10,2 фоизи Тожикистон фуқароси ҳисобланади.

Россиянинг "Vimpelcom Ltd" компаниясига тегишли "Билайн" мобил операторининг Ўзбекистондаги абонентлари 10 миллионлик маррани босиб ўтди. Айти чоғда компания 463 миллион доллар миқдорида фойда кўрган. 2012 йилнинг тўртинчи чорагида барча асосий йўналишлар бўйича ижобий кўрсаткичлар қайд этилди, компаниянинг инфратузилмани ривожлантиришга йўналтирилган инвестициялар миқдори икки марта кўпайган.



Beeline™

Ўзбекистонда "Билайн" абонентлари сони 10 миллион нафардан ошиб кетди

2012 йилнинг сўнги чорагида компания соф даромади 2011 йилнинг шу давридагига нисбатан 99 фоизга ошган. Йиллик ўсиш кўрсаткичи эса 2011 йилдагига нисбатан 67 фоизни ташкил этди.

Компания абонентлари сони эса 10194000 нафарни ташкил этиб, йиллик кўрсаткичи 60 фоизни ташкил этди.

Шубҳасиз, "Билайн" абонентлари сони ўсишида ўтган йили "МТС-Ўзбекистон"

компанияси фаолиятининг тўхтатилиши катта аҳамият касб этди. Чунки, "МТС" мижозлари "Билайн", "Юселл", "Перфектум мобайл" ва "Ўзмобиайл" компанияларига ўтишига тўғри келди.

БМТ: Ўзбекистон аҳолиси 2050 йилга бориб 34 миллион нафарга етади

Бирлашган Миллатлар Ташкилотининг Аҳолишунослик жамғармаси маълумотларига кўра, 2050 йилга бориб Ўзбекистон нуфуси 34 миллион нафарга етади.

Кўшни Тожикистон аҳолиси эса 2050 йилга қадар ҳозирги кундаги 8 миллион нафардан 10 миллион нафарга кўпаяди. Қозоғистон аҳолиси эса 17 миллион нафардан 21 миллион нафарга ортади. Қирғизистон нуфуси 4,8 миллиондан 7 миллионга, Туркманистонда 5 миллиондан 7 миллион нафарга етиши мумкин.



Украина аҳолиси эса 2050 йилга бориб ҳозирги 45,5 миллион нафардан 33

миллионга қисқариши кутилмоқда. Грузия аҳолиси ҳам бир миллион нафарга

кам бўлиши тахмин қилинмоқда.

Бугун дунё аҳолисининг бешдан бир қисмини ташкил этадиган Хитой аҳолиси 2050 йилга бориб, 100 миллион нафарга камайиши мумкин.

Шуни эслатиб ўтиш керакки, шу йилнинг 1 феввалида Ўзбекистон аҳолиси сони 30 миллионлик чегарани босиб ўтди.

2013 йилнинг 1 январь ҳолатига кўра, Ўзбекистон аҳолиси сони 29 миллион 994,6 минг кишини ташкил этган эди. Улардан 15 миллион 315,3 минг нафари шаҳарларда истиқомат қилади.

Ўзбекистон аҳолиси ўтган йили 1,5 фоизга, яъни 439,2 минг кишига кўпайди. Қишлоқ аҳолиси, ўз навбатида, 14 миллион 679,3 минг кишини ташкил этди. Улар жами аҳолининг 48,9 фоизини ташкил этади.

Туғилиш кўрсаткичи 2012 йилда 21 промиллени, ўлим кўрсаткичи эса 4,9 промиллени ташкил этди.

Аҳоли ўртасида ўлим ҳолатининг 61,7 фоизи қон тизимидаги касалликлар, 7,6 фоизда бошқа ўзгаришлар, 6,1 фоизда нафас олиш орган-

ларидаги хасталиклар, 6,1 фоизда эса бахтсиз ҳодисалар, захарланиш ва жароҳатланишлар, 5,8 фоизда ошқозон-ичак касалликлари ташкил этди.

Дастлабки маълумотларга кўра, 2012 йилда 6600 нафар бола нобуд бўлди. Улардан 47,4 фоизи перинаталь даврдаги ҳолатлардан вафот этган бўлса, 35 фоизи нафас йўлидаги муаммолар, 7,3 фоизи туғма нуқсонлар, 4,5 фоиз инфекция ва паразит касалликлар оқибатида нобуд бўлди.

Ўтган йили ФХДЭ органлари томонидан 299,1 мингта никоҳ қайд этилган бўлиб, 17,9 мингта ажралишлар юз берган. Шунда ҳар минг нафар кишига 10 никоҳ, 0,6 та ажралиш ҳолати тўғри келди.

Ўзбекистонга келган аҳоли сони 169,1 минг кишини, чиқиб кетганлар сони 208,8 минг кишини ташкил этди.

Меҳнат билан таъминлаш органларида рўйхатида турган шахслар сони 6000 кишини ташкил этди.

Умуман, ишсизлар сони меҳнатга лаёқатли аҳолининг 4,9 фоизини, яъни 626,3 минг кишини ташкил этди.

Ўзбекистон Жаҳон савдо ташкилотига аъзо бўладими?

Ўзбекистон ҳукумати мамлакат иқтисодиётининг жаҳон иқтисодиётига интеграция бўлишининг муҳим таркиби сифатида Жаҳон савдо ташкилотига аъзо бўлиш масаласини кўриб чиқмоқда.

Ўзбекистоннинг АҚШдаги элчиси Илҳом Неъматовнинг Марказий Осиё ва Кавказ институтида ташкил этилган "ЖСТ ва Марказий Осиё" экспертлар муҳокамаси чоғида қилган маърузасида Ўзбекистоннинг ЖСТга аъзо бўлиши борасидаги музокаралар давом этмоқда, аммо шуни алоҳида қайд этиш керакки, Ўзбекистоннинг ушбу ташкилотга аъзо бўлиши, биринчи навбатда, Ўзбекистон иқтисодиёти манфаатларига хизмат қилиши керак ҳамда мамлакатда бандлик, божхона ҳамда иқтисодиётга салбий таъсир кўрсатмаслиги керак, деб таъкидлади.

Элчи жанобларининг сўзларига қараганда, Ўзбекистон ушбу ташкилотга аъзо бўлиш мамлакат меҳнат ресурсларига, sanoатига, кишлок хўжалигига қандай таъсир кўрсатишини чуқур таҳлил қилиб чиқиши керак бўлади.

"АҚШнинг Халқаро ҳамкорлик бўйича агентлиги томонидан тайёрланган маърузага кўра, бу, шакшубҳасиз, мамлакат автомобиль ва текстиль sanoатига салбий таъсир кўрса тади. Шунинг учун бизнинг иқтисодчилар бунга жуда жиддий чуқур ёндашишмоқда. Биз ЖСТ котибияти, ҳамкорларимиз билан Ўзбекистон қандай шароитлар асосида ушбу ташкилотга аъзо бўлиши мумкинлигини муҳокама қилаёпмиз", деди элчи жаноблари.

Илҳом Неъматов "Мен Ўзбекистон ЖСТга аъзо бўлиш масаласига нега жиддий эътибор қаратаётганлигига бир мисол келтиришни истардим. Мустақилликнинг илк йилларида иқтисодиётимизда фақат пахта ҳукмронлиги ўрнатилган эди, биз ўша пайтда 6 миллион тонна пахта етиштирар эдик. Ўзбекис-

тон ҳукумати узоқ муддатли ислохотларни амалга оширди. Айнан шу ислохотлар самараси ўлароқ биз иқтисодиётимизни диверсификация қилишга муваффақ бўлдик. Биз бугун "Женерал Моторс" компанияси билан ҳамкорликда тайёрланган юқори сифатли автомобилларни экспорт қиляпмиз. Утган йигирма йил давомида 120 миллиард доллардан ортиқ инвестиция мамлакат иқтисодиётига жалб қилинди... Шунинг учун биз ЖСТга аъзо бўлиб киришдан нима ютқазимиз-у, нима ютишимизни билишимиз керак", деди.

Илҳом Неъматов сўзларига кўра, бугунги кунда Ўзбекистон миллий қонунчилиги ЖСТ норма ва қоидаларига уйғунлаштириш чоралари устида иш олиб бормоқда. Иккинчидан, мамлакатда идораларо ишчи гуруҳ тузилган бўлиб, у Ўзбекистон ва ЖСТ ўртасидаги музокаралар жараёнини мувофиқлаштириб бормоқда. Учунчидан, ЖСТ котибияти билан ишлайдиган кенгаш тузилган бўлиб, ЖСТ билан ҳамкорлик масалаларида 9 та ишчи гуруҳ иш олиб бормоқда.



Рашид Холиқов "Coca-Cola Uzbekistan"га алоқаси йўқлигини маълум қилди

Ўзбекистонда хизмат кўрсатган артист Рашид Холиқов "Coca-Cola Uzbekistan" қўшма корхонасига раҳбар этиб тайинлангани ҳақидаги миш-мишларга ўз муносабатини билдирди.

"Шаҳзод" гуруҳи солистининг журналист Жасур Ҳамроевга маълум қилишича, бу каби миш-мишлар унинг ўзига ҳам етиб келган. Хонанданинг сўзларига кўра, бу гап-сўзлар тўқимадан бошқа нарса эмас.

— Одамларга ҳайрон қоласан гоҳида. Мен бизнесмен бўлмасам. Ҳеч қачон тадбиркорлик билан шуғулланмаган

бўлсам, қаердан чиқди, бундай гап-сўзлар? Шу пайтгача шакарни чойда эритиб, "кока-кола"ни мириқиб ичганмиз, бироқ, бу маҳсулотларнинг олди-сотдисига умуман алоқамиз бўлмаган, бўлмайди ҳам. Мен санъаткорман. Ижодкорман. Бизнесни удаллаган одамлар қилади, — дейди шов-шувларга нуқта қўйиб, Рашид Холиқов.

Мордовияда Ўзбекистон фуқаролари йўл-транспорт ҳодисасига учрашди



Дастлабки маълумотларга кўра, Fiat Ducato микроавтобуси қарама-қарши йўлга чиқиб кетиши натижасида учта транспорт воситаси ўртасида тўқнашув келиб чиққан. Натижада Fiat Ducato микроавтобу-

сида бўлган 1994 йилда туғилган Ўзбекистон фуқароси воқеа жойида вафот этган. Ушбу машинада бўлган яна 6 нафар киши турли даражада тан жароҳати билан касалхонага ётқизилган.

Мордовиянинг Чамзин туманида юз берган автоҳалокатда бир нафар Ўзбекистон фуқароси ҳалок бўлган, яна олти нафари тан жароҳати олган. Бу ҳақда ушбу мамлакат йўл ҳаракат хавфсизлиги бош бошқармаси хабар қилган.

Микроавтобусда тан жароҳат олганларнинг барчаси Ўзбекистон фуқаролари бўлган.

Шуни эслатиб ўтамиз, бугунги кунда МДХ давлатларида, чунончи, Россия, Қозоғистон ва Украинада ўзбекистонликларнинг сони изчил кўпайиб бормоқда. Улар орасида турли бахтсиз ҳодисалар ҳам юз бермоқда.

Шу йилнинг 22 февраль куни Россия Федерациясининг Красноярск ўлкасида йўл-транспорт ҳодисаси юз берди. РФ ички ишлар вазирлигининг ўлка бош бошқармаси матбуот хизмати тарқатган хабарда келтирилишича, 22 февраль куни соат 19 атрофида Татарка дарёси устидаги кўприкда "Газель" ва "Мерседес" русумидаги микроавтобус тўқнашиб

кетди. Воқеа жойида "Газель"да бўлган ҳайдовчи ва тўрт нафар йўловчи ҳалок бўлган. "Мерседес" ҳайдовчиси маҳаллий касалхонага олиб борилган. Аммо у ҳам кейинчалик ҳалок бўлган. Сўнги маълумотларга кўра, "Газель"да бўлган ҳайдовчи ва йўловчиларнинг барчаси Ўзбекистон фуқаролари бўлган.

Россия Миграция хизмати ҳисоб-китобларига кўра, мамлакатда ҳозирги кунда 10,2 миллион нафардан ортиқ чет эл фуқаролари бўлиб, уларнинг 23 фоизини Ўзбекистон фуқаролари ташкил этади. 13,3 фоизи, яъни 1,342 миллион нафари эса Украина фуқароси, 10,2 фоизи Тожикистон фуқароси ҳисобланади.

"Ўзбекистон почтаси" компаниясининг Халқаро почтаamt бўлими ходими Дилноза Кобуловага кўра, хориждан техник жиҳозларни почта орқали Ўзбекистонга посилка қилиш мумкин, фақат чекланган миқдорда.

Ўзбекистонга почта орқали посилка юбориш талаблари

- Битта телефон мумкин. Иккита телефон бўлса, рас-таможка қилади (бож тўлайди). Битта одамга битта телефон мумкин. Тўловсиз ола-сиз. Биттадан ошса, битта одам учун, унда тўлайсиз.

- iPad жўнатсачи?

- Мумкин. Битта бўлса мумкин.

- Ноутбукчи?

- Ноутбук ҳам мумкин. Битта одам учун ҳар битта нарсадан биттадан мумкин.

- Телевизор жўнатиш мумкинми?

- Ҳа. Фақат яхшилаб упа-ковка қилиш керак уларни. Жўнатаётганда у ёқдан оцен-ка қилишди посилкани. Оценка қилаётганда 1000 доллардан ошиб кетмасли-ги керак. У ёқда посилка расмийлаштириладиганда оценкасида 5 фоиз олиб қолади. Бўлди, бу ёқда тўла-майди. Лекин 1000 доллардан ошиқ суммага бож тўла-нади, - дейди **Дилноза Ко-булова**.

Ўзбекистон қонунларига кўра, Қозоғистон, Қирғизис-тон, Туркменистон, Тожикис-тон ва Афғонистондан фақат 10 АҚШ доллари қиймати-даги истеъмол молларини мамлакат худудига бож тўло-висиз посилка қилишга рух-сат берилади.

Дунёнинг бошқа давлат-

лардан эса қиймати 1000 АҚШ долларигача бўлган то-варларни божхона тўловла-рисиз Ўзбекистонга посилка қилиш мумкин.

"Ўзбекистон почтаси" ком-паниясининг халқаро жўнат-малар билан шуғулланувчи Эксплуатация бўлимининг ходими Саодат Матчоновга кўра, хориждан жўнатилган ҳар бир посилка аввало бож-хона назоратидан ўтиши ва расмийлаштирилиши шарт.

- Ўзбекистон почта акция-дорлик тизимида Халқаро почтаamt филиали бор. Те-мир йўл вокзалда жойлаш-ган. Ўша филиалдаги божхо-на ходимлари кириб кела?-тган ҳамма посилкаларни текширади. Текшириб ўтказ-магунча бизларга чиқмайди у посилкалар. Улар текшириб бергандан кейин манзилга етказамиз. Ўзбекистондан чиқувчи посилкалар ҳам шу-нақа божхонадан текшириб ўтказилади. Агар Ўзбекис-тондан чиқиши мумкин бўлмаган нарса посилкада кета?тган бўлса, улар тўхта-тади, ўтказмайди. Агарда у бож тўлови талаб қилинади-ган бўлса, бож тўлов сумма-сини белгилаб беради, - деди Саодат Матчанова.

Халқаро почтаamt божхона постининг ходимига кўра, хориждан посилка қилинган



ноутбук, компьютер ва теле-визор каби электроник тех-никаларни фақат бир дон-дан бож тўловсиз олиш мумкин.

Лекин божхоначига кўра, битта посилкадаги товар-ларнинг умумий қиймати 1000 АҚШ долларидан ош-маслиги шарт.

Божхоначининг айтишича, посилкада жўнатилган мобил телефонлар учун Электромаг-нит мослашув марказидан рухсатнома талаб қилинади.

Тошкент шаҳридаги Электромагнит мослашув марказининг мутахассисига кўра, мобил телефонлари радио-электрон воситалари рўйхатига киритилгани боис, уларни мамлакатга олиб кириш учун махсус рух-сатнома талаб қилинади.

- Сотувий телефонлар кат-та партиядо контрабанд йўли билан кириб кетмасли-ги учун қилинган бу. Битта дон-а келса, рухсат талаб қилинмайди. Шахсий фойда-ланишга деб. Биттадан ошиб кетса, буни энди ҳеч

қаерда келтириб бўлмайди бу совғага, бу сотувга деб, иккита ва ундан ортигига бизларда олиб кириш учун рухсатнома расмийлаштира-ди. Бизларга мурожаат қил-гач, биз уч кун кўриб чиқа-миз. Тўланадиган пул 1518 сўм бўлади, - дейди Элект-рон мослашув маркази му-тахассиси.

1000 доллардан ортиқча қийматдаги посилка товар-ларини божхона тўловлари-ни тўлаб, Ўзбекистонга олиб кириш мумкин.

Амалдаги қонунчиликка асосан Ўзбекистонга товар-ларни олиб киришда қуйи-даги божхона тўловлари ун-дирилади:

"Божхона қийматидан ке-либ чиқиб 0,2% миқдорида божхона йиғими;

"Импорт божи;

"Акциз солиғи;

"20% миқдорида қўшил-ган қиймат солиғи;

"Жисмоний шахслар то-монидан учинчи давлатда ишлаб чиқарилиб, қўшни давлатлардан юборилади-

ган товарлар учун 20% миқ-дорида божхона йиғими.

Посилкада жўнатилиши тақиқланган нарсалар:

"ўқотар, сигалли, пневма-тик, газли қуроллар, ўқ-дори-лар, электрошок қурилмала-ри ва учкунли разрядниклар, шунингдек, ўқотар қуролнинг асосий қисмлари, жиҳозлан-маган портлаш қурилмалари ва ўқ-дорилар, шу жумладан жиҳозланмаган гранаталар, снарядлар ва бошқа ўхшаш совуқ қуроллар;

"гиёҳвандлик воситалари, психотроп, кучли таъсир эта-диган, радиоактив, портлай-диган, заҳарли, ўювчи, осон алангаланадиган ва бошқа хавфли нарсалар;

"хорижий валюта;

"контрафакт предметла-ри.

Ўзбекистондан дунёнинг бошқа давлатларига посилка жўнатиш тарифлари билан эса "Ўзбекистон почтаси ком-паниясининг расмий сайтида (www.pochta.uz/index.php/uz/tariflar/272) тўлиқ равишда танишиш мумкин.

Хонанда Абдулла Қурбонов лицензиясидан маҳрум бўлди



"Хонанда Қурбонов Абдул-ла Акбарович томонидан Ўзбекистон Республикаси Вазирлар Маҳкамасининг 2003 йил 11 ноябрдаги 498-сонли Қарори ҳамда Лицен-зия битимида назарда ту-тилган талаблар ва шартлар мунтазам равишда бузиб ке-линганлиги сабабли хонан-

"Ўзбекнаво" эстрада бирлашмаси хонанда Абдулла Қурбоновга берилган лицензиясини бекор қилди. Бу ҳақда бирлашманинг расмий сайтида билдириш берилган.

дага 2013 йил 22 февралда берилган АЖ-2326-рақамли лицензиянинг амал қилиши "Фаолиятнинг айрим турла-рини лицензиялаш тўғриси-да"ги Ўзбекистон Республи-каси Қонунининг 22-24-мод-далари ҳамда Ўзбекистон Республикаси Вазирлар Маҳкамасининг 2003 йил 11 ноябрдаги 498-сон Қарорининг 1-иловаси 35-бандига асосан 2013 йил 22 феврал-дан тугатилганлигини маъ-лум қиламиз", дейилади расмий билдиришда.

Бирлашма сайти " Ўзбе-кистон Республикасининг

Қонунлари ва Ҳукумат қарорлари талабини бажа-риш ҳар бир хонанда ҳамда санъаткорнинг бурчидир", деб қайд этади.

Эслатиб ўтамиз, бундан аввалроқ интернетда хонан-да маст ҳолатда кўпол охан-гда ички ишлар органлари ходимлари билан мулоқоти туширилган видео пайдо бўлган эди. Хонанда мазкур воқеа бўлиб ўтганини тан олиб, ўз қилмишидан пушай-монлигини shov-shuv.uz сай-ти раҳбари Жасур Ҳамроев билан сўхбатида билдир-ган.

Ўзбекистон халқ артисти Юлдуз Усмонова шу йилнинг 28 март куни БААнинг Дубай шаҳрида концерт дастурини намоиш этади. Бу ҳақда хонанданинг расмий сайти хабар беради.

Юлдуз Усмонова Дубайда концерт беради

Янги концерт дастури Ду-байдаги "The Meyana theater" театр биносига, соат 20-00 да бошланади. Бу Юлдуз Усмо-нованинг Дубайга иккинчи таш-рифи, бундан 2-3 йил аввал ҳам у айнан шу шаҳарда ўзи-нинг яккахон концерт дастури-ни тақдим этганди. Хонанда концерт дастурида Ўзбекистон-да хизмат кўрсатган артист Обид Асомов ҳам иштирок эта-ди.

Бундан ташқари, санаъткор янги "Гулисан" қўшиғига клип олинаётганини ҳам маълум қилди.





Ироқ: Саддамсиз 10 йил. Сарфланган маблағ мотами ва унутилган қурбонлар

Ироқда Саддам Хусайнни ҳокимиятдан ағдаришга қаратилган уруш очилганига ҳам 10 йил тўлди. Бу уруш қиймати, оқибатлари ҳақида гапириш бугун гўё маъносиздек туюлади. Ҳар куни мамлакатнинг у ёки бу нуқтасида юз бериб турган портлашлар, террористик ҳужумларнинг йилдан-йилга кўпайиб, қолаверса, диний ва миллатлараро зиддиятларнинг кучайиб бораётгани Ироқ уруши энг адолатсиз урушлардан эканлигини намоян этади. Бугун Ироқда на оммавий қирғин қуроллари, на бошқа тақиқланган воситалар борлиги исбот талаб қилиб бўлмайдиган ҳақиқатга айланган.

Бу уруш дунёда манфаат йўлида айрим давлатлар гегемонлиги ҳақон мамлакатлари тараққиёти учун катта хавф эканлигини кўрсатди. Ироққа минглаб аскар олиб кирган ҳамда ушбу мамлакатда бутун инфратузилмани ишдан чиқариб юборган АҚШ ушбу давлатни тиклашни ўзининг "маънавий вази-фаси" деб эълон қилди.

Ўтган давр мобайнида ушбу мақсадда Америка давлат бюджетидан 60 миллиард доллар миқдорида маблағ йўналтирилган (Фарб нефть компаниялари фаолияти ҳақида бирор фикр билдиришдан тийилмаз). Умуман, Саддам Хусайн ҳокимиятдан ағдарилгандан бери Ироқни тиклаш ишларига АҚШ томонидан 90 миллиард йўналтирилган.

Аммо сарфланган ана шу 60 миллиард доллар мамлакатдаги вазиятни етарли даражада ўзгартирди, дейишга тил бормайди. АҚШ конгресси учун Ироқни тиклаш бўйича инспектор Стюарт Бюээн томонидан тайёрланган ҳисоботда келтирилишича, ушбу маблағлардан 8 миллиард доллари ҳавога соғурилган. Бунга сабаб Ироқда шакланган коррупция ва хавфсизликнинг бутунлай издан чиққандир.

Умуман, АҚШ томонидан олиб борилган 8 йиллик ҳарбий кампания америкаликларга 800 миллиард долларга тушди. Ушбу урушда 5 минг нафардан ортиқ аме-

рикалик ҳарбий аскар ҳалок бўлди. 100 минг нафардан ортиқ ироқликлар бу урушнинг қурбонига айланишди. Энг ёмони, бу урушга ҳали ҳамон нуқта кўйилгани йўқ.

Стюарт Боуэн томонидан тайёрланган ҳисобот Ироқда олиб борилган юзлаб тафтиш ва текширувлар йиғиндиси, шунингдек, икки давлатдаги кўплаб амалдорлар билан мулоқотлар натижаси ҳисобланади.

Чунончи, Ироқ бош вазири Нури Малиқнинг айтишича, АҚШ томонидан йўналтирилган маблағларнинг бир қисми "нооқилона сарфланган". Унинг фикрига кўра, аслида мазкур тиклаш ишлари учун юборилган маблағлар Ироқда кўзда тутилганидан ҳам кўпроқ ўзгаришлар ясаши мумкин эди.

Ироқ парламенти спикери Осама Ружафийнинг айтишича, Ироқни тиклаш бўйича олиб борилган ишлар, умуман, ҳеч қандай самарага олиб келмаган.

Курдлар вакили Кубод Толобонийнинг фикрлашича, "Барча муаммоларни маблағ билан ҳал қилиб бўлади, деб ўйлаш хом фикрлашдир".

Америка конгресси вакиллари ҳисоботнинг хулосаларидан даҳшатга тушганликларини яшириб ўтиришмади. Хусусан, Сенатнинг халқаро алоқалар масалалари қўмитасидаги республикачилар партиясининг кўзга кўринган вакилларида бири Боб Коркер ҳисобот

натижаларини "даҳшатли", деб баҳолаб, бундан тегишли хулоса чиқаришга ундаган. Муҳими, бу хатоларнинг Афғонистонда такрорланишига йўл қўймазлик керак, деди у.

Умуман, Ироқ ва бошқа Яқин Шарқ мамлакатларида юз берган воқеа-ҳодисалар, ташқи кучларнинг ушбу мамлакатлардаги режимларни ўзгартаришга уриниши истиқболда дунёдаги гегемон кучларнинг нисбатини тўғри сақлаш ҳамда ўзаро тийиб туриш принципини таъминлаш заруратини кўрсатади. Масалан, Хитой ва Россия Фарб экспансияси учун яхшигина тўсиқ бўлиши мумкин. Бу икки давлат БМТ Хавфсизлик кенгаши орқали қабул қилинаётган ҳужжатларнинг турлича талқин қилинишига йўл қўймазлик эришиш ва мажбуриятларни аниқ белгилаб олиш кераклиги кўрсатади.

Яна бир муҳим жиҳат, Фарб мамлакатларининг хатти-ҳаракатлари билан демократия, инсон ҳуқуқлари, қонун устуворлигини олиб кириши мумкинлиги ҳақидаги ёлгон ваъдаларини англаб етиш керак. Бу демократия охир-оқибат динлараро, миллатаро зиддиятларни кучайтириб, қон тўкилишига олиб келаётганини унутмаслик керак.

Энг ёмони, катта иқтисодий ва минерал захиралари бўлишига қарамасдан уларда иқтисодий ва ижтимоий инфратузилмалар ишдан чиққанлиги боис ташқи маблағларга қарамлиги ортмоқда. Бу, шубҳасиз, мустақил иқтисодиётни шакллантириш ва мамлакатни оёққа турғизишга ҳалақит бериши билан бир қаторда, коррупциянинг илдиэ отишига олиб келади.

Индианада мушоира: америкалик талабалар Навоий газалларини ёд олишди

Буюк шоир, мутафаккир ва оқил давлат арбоби бўлган Алишер Навоий ўз даврида туркий халқларнинг ҳамжиҳатлиги учун тинимсиз кураш олиб борди. Унинг бу мақсадда қилган саъй-ҳаракатлари бугунги кунимизда ҳам ўз аксини топмоқда. XV асрда бутун бошли халқни ўз қалами билан бирлаштирган Навоий, бугунги кунда Американинг Индиана университетидagi турли хил инсонларнинг бир ерда ҳамжиҳат бўлишига сабабчи бўлди.

Яқинда "Ўзбек талаба ва олимлари бирлашмаси" томонидан Индиана университетида газал мулканинг султони Алишер Навоийнинг хотирасига бағишланган "Шеърхонлик" кечаси бўлиб ўтди. Кечада Марказий Евроосиё факультетида туркий, яъни ўзбек, уйғур, турк ва форсий тилларни ўрганаётган америкалик талабалар Навоийнинг ижод маҳсулидан: газал, рубоий ва ҳикматли сўзларини ёддан айтиб, ўзаро беллашдилар. Беллашувнинг асосий мезонларидан бири шеърни Навоий ижод қилган тилларда, яъни туркий (эски ўзбек) ёки форсий тилда ифодали ёдлаш эди.

Туркий тилларни завқ билан ўрганаётган талабаларга, бу тиллар асли бир тил эканлиги ва унинг бугунги кунда адабиётимизда гуллаб яшнашининг асосий сабабчиси ким бўлганини ҳар доим бирлаштириб турганлигини билдириш мақсадида Алишер Навоийнинг "Тили камол топган халқ ўз қисматини англаб олур, зеро тил ҳамжиҳат қиладур халқни" деган сатрлари остида бу беллашувни ташкил қилиш гоясини илғор сурдим. Марказий Евроосиё факультетининг профессори Раҳмон Иномхўжаев "Алишер Навоийни эслашнинг ўзи бир савоб" деганларидек, бу каби савобли ишни устозим Малик Хўжаев раҳбарликлари, бирлашмамиз маслаҳатчиси Умида Ҳикматуллаева ва бошқа юртдошларимизнинг қўллаб-қувватлашлари билан амалга оширдик.

Кечада Марказий Евроосиё факультетида Алишер Навоийнинг ҳаёти ва ижоди мавзусида докторлик даражасини ёқлаётган Ник Валмсли маъруза қилди. Бу тадбирга келган меҳмонлар учун Алишер Навоийнинг ўзбек тарихи ва адабиётидаги аҳамиятини етказиш мақсадида Марказий Евроосиё факультетида ўзбек тилини ўрганаётган талабалар Навоийнинг Хусайн Бойқаро қошида Биноий билан туркий тил ҳақида бўлиб ўтган баҳсини саҳна кўриниши орқали намойиш қилдилар.

Мушоирада нафақат Ин-

диана университети, Мичиган университетида ўзбек тилини масофада ўрганаётган талабалар ҳам иштирок этишди. Беллашув сўнгида Марказий Евроосиё факультетининг антропология, уйғур, форс ва пушту тиллари профессорлари Назиф Шаҳроний, Гулниса Назарова, Шаҳияр Донешгар, Раҳмон Иномхўжаев ва бош кутубхона мутахассиси Акром Ҳабибуллаев иштирокчиларнинг намойишини баҳолаб, голиб бўлган талабаларга Индиана университетининг битирувчиси Маҳмуда Сайдумарова томонидан таржима қилинган ўзбек ҳикоялари тўплами мукофот сифатида топширилди.

Навоийнинг "Ишқ даштин ҳеч ғурбаткаш мусофир кўрмасун" сатрлари билан бошланадиган газалини ўз маромига етказиб айтган ва бу билан ҳаммани лол қолдирган, шеърхонлик беллашувининг 1-урин голиблигини қўлга киритган ўзбек тилининг 2-бошланғич босқичида таҳсил олаётган Бенжамин Брунетт бу тадбир учун унутилмас ажойиб тажриба бўлганлигини Индиана университетини муҳбири билан бўлиб ўтган суҳбатда айтиб ўтди. Иккинчи ўринни ҳайъат аъзолари бугунги кунда форсий тилни ўрганаётган Мириам Вудсга ва шунингдек, учинчи ўринни Мичиган университети талабаси Евгений Бондаренко лойик, деб топиди.

Дастур Фульбрайт грант соҳиби қозғистонлик Бегаим Адилханованинг дўмбра чертиб қуйлаган "Козининг молдирин ай" қўшиғи ва Фульбрайт грант соҳиби ҳамда "Ўзбек талаба ва олимлари бирлашмаси"нинг вице-президенти Муфарраҳ Мусаеванинг "Сунбула" қўшиғи остида тушган рақси билан якунланди. Барча "Ўзбек талаба ва олимлари бирлашмаси" томонидан тайёрланган миллий таомлардан баҳраманд бўлишди.

Муфарраҳ Мусаева, Фульбрайт Хорижий тил ўргатиш ассистенти, Ўзбек талабалари ва олимлари бирлашмасининг вице-президенти. Индиана университети, Блумингтон шаҳри, Индиана штати.

Advanced Colorectal Care Dr. Fulmes Clinic

Д-р Михаил Фульмес - проктолог, кандидат медицинских наук.

Дипломированный Американской Сертификационной комиссией специалист в области Общей Хирургии и Проктологии.

Доктор Фульмес закончил резидентуру в таких известнейших в мире и США клиниках как Cleveland Clinic, Memorial Sloan-Kettering Cancer Center, Cornell University, Lehigh Valley Hospital.



Д-р Фульмес обладает огромным клиническим опытом работы как в бывшем Советском Союзе так и США. Будучи практикующим хирургом, специализирующимся в проктологии, д-р Фульмес является автором многочисленных статей, публикаций, а так же выступлений на национальных и международных конференциях и симпозиумах.

Большинство заболеваний негативно влияют на качество жизни. В большей мере Причина недугов заключается в неправильной работе пищеварительной системы.

Профессиональный лозунг клиники доктора Фульмеса - оптимизация и улучшение работы пищеварительной системы – что приводит к:


- ✓ улучшению сна
- ✓ укреплению нервной системы
- ✓ замедленному старению
- ✓ нормализации веса тела
- ✓ очищению сосудов
- ✓ улучшению состояния суставов
- ✓ повышению энергетического баланса
- ✓ укреплению стабильности работы сердца
- ✓ приобретению более высокого качества жизни в любом возрасте

Посетите клинику доктора Фульмеса, если у вас наблюдаются следующие симптомы:

- ✓ кровь в стуле
- ✓ выделение слизи и гноя
- ✓ геморрой
- ✓ запоры
- ✓ анальный зуд
- ✓ тенезмы – ложные позывы к дефекации
- ✓ эпителиальные копчиковые ходы
- ✓ малокровие как результат невидимого внутреннего кровотечения
- ✓ дисплазия анального канала (ассоциированная с ВИЧ инфекцией)
- ✓ дивертикулярная болезнь
- ✓ ректоцеле
- ✓ рак толстой и прямой кишки
- ✓ непроходимость кишечника
- ✓ полипы толстой и прямой кишки
- ✓ неспецифический язвенный колит
- ✓ кровотечение прямой кишки
- ✓ боль в прямой кишке
- ✓ кондилома
- ✓ парапроктит/ анальный свищ
- ✓ анальная трещина
- ✓ рак анального канала
- ✓ болезнь Крона
- ✓ выпадение прямой кишки

Успешно решаем все проктологические проблемы выполняя следующие процедуры:

- ✓ безболезненное лечение геморроя
- ✓ трансанальное удаление полипов прямой кишки
- ✓ лапароскопическая ассистенция при удалении больших полипов
- ✓ лапароскопическая резекция толстой и прямой кишки
- ✓ комплексное лечение рака прямой кишки
- ✓ сфинктер - сохраняющие операции при раке прямой кишки
- ✓ хирургия малого таза
- ✓ неотложная проктология
- ✓ хирургия стомы
- ✓ скрининговая аноскопия при спиде
- ✓ колоноскопия
- ✓ амбулаторное наблюдение после операции на рак толстой и прямой кишки



Принимаем все основные страховки, Medicare и Medicaid. **Удобное расписание для работающих и неработающих пациентов.**

ОФИС ОТКРЫТ 6 ДНЕЙ В НЕДЕЛЮ | ПРЕДОСТАВЛЯЕТСЯ ТРАНСПОРТ

T: 718.743.4450

Brooklyn: 2627 Coney Island Ave, Brooklyn, NY 11223
Queens: 30-16 30th Dr. Astoria, NY 11102

Аввал хабар қилганимиздек, АҚШ "молиявий жарлик" дан қутилишни икки ойга суриб, 1 мартга қадар давлат харажатларини қисқартириш масаласини ҳал қилиб олиши керак эди. Аммо АҚШ конгрессидаги республикачилар ва Оқ уй маъмурияти бу борада якуний келишувга эриша олмади. Кеча Барак Обама давлат бюджети харажатларини қисқартиришни кўзда тутадиган фармонга имзо чекди.



Сиёсий спектакль: сиёсий обрў ва оддий америкаликлар фарёди

Бу секвестер деб ном олган автоматик қисқартиришлар мажмуи бўлиб, антидефицит чоралари фойда бермагач ёки уни амалга ошириш барбод бўлгач, ҳукумат шундай чорани қўллашга мажбур бўлади. Обама 1 октябрга қадар ҳукумат харажатларини 85 миллиардга қисқартиришга мажбур.

"Секвестер ҳали амал қилар экан, ҳар гал иқтисодиёт ҳақида хабар эшитар эканмиз, агар конгресс тегишли чораларни кўрганида бу хабар янада яхши бўлур эди, дейишга мажбурмиз", деб афсус билдирди Обама. Ўз навбатида, республикачилар етакчиси Жон Бейнернинг партияси Соқларнинг

тер"нинг шаклланишига бир неча йил муқаддам тамал тош қўйилган.

Барак Обаманинг стратегияси шундаки, у сайловлардаги мағлубиятдан ўзига ҳалибери келмаган республикачилар партиясига қақшатгич зарбани бериш ҳамда миллионлаб америкаликларга бу партия нечоғли "ёвуз"лигини

кўрсатишдир. Чунки президентнинг сай-ҳаракатларида ўзаро келишув эмас, балки сиёсий галабага эришиш мақсади кучлик қилмоқда.

Партиялараро мубоҳаса ўзининг кўльминациясига чикди, деб айтиш мумкин. Пайшанба куни АҚШ сенатида демократларнинг ҳарбий харажатларни 30 миллиардга қисқартириш ҳамда йилига 1 миллион доллардан ортик

SEQUESTER нима дегани?

| | | | |
|--|-------------------|----------|---------------------|
| Секвестер | 43 млрд | 26 млрд | 6 млрд |
| Бюджет харажатлари мажбурий қисқартириш бўлиб, бунга бошқа антидефицит чоралари "ўхлаш" қилинади. Секвестерга айрим мажбурий соҳалар харажатлари кирмайди, масалан, пенсиялар... | ҳарбий харажатлар | ноҳарбий | ва бошқа харажатлар |

АҚШда секвестер эса 1 октябрга қадар ҳукумат харажатларини 85 миллиард долларга қисқартиришни талаб қилади.

НАСА-фазо агентлиги 900 миллионлик кам маблаг олади, давлат парковка тизими субсидия олмайди. Кишлоқ хўжалиги учун йўналтирилмаган субсидия миқдори 10.4 миллиардга қисқаради. 1.4 млрд тиббиёт соҳасидаги тадбиротларга, чунки, рақ унун акратилмайди. 424 миң кам ҳақ тўловчи ишчиларнинг ҳақ тўлови қисқартирилади. 3.8 миллион нафар америкаликнинг иқтисодий ҳолати ёвсирган бўлади. Федерал авиация хизмати 47 миң нафар ходимини 11 кун ҳақ тўланмайдиган меҳнат таштига чиқаради.

Бу муаммонинг олдини олиш мумкинми? Республикачилар иддоси: Республикачилар партиясининг Конгрессдаги етакчиси Жон Бейнернинг айташича, америкаликлар Вашингтонда (Оқ уйда) харажатлар билан боғлиқ муаммолар йиғилиб қолган.

Ха, ҳал қилиш мумкин. Бунинг учун Конгресс ва Оқ уй бир ёқадан бош қаршига тўри келади.

демократлар соғинал дастурлар заржажатларини қисқартиришга эмас

республикачилар бизнесменлар учувчилар ошарилишига қарши

экспертлар эса партияларо бўйсунмаган ҳурши мамлакат

Piktochart
make information beautiful

Халқаро валюта жамғармаси АҚШда бюджет харажатларини қисқартириш глобал миқёсда иқтисодий турғунликка ва ўсиш суръатларининг пасайишига олиб келиши билан огоҳлантирди. Америкалик таҳлилчилар бу мажбурий қарор Америка ялпи ички маҳсулотининг 2013 йилда бор-йўғи 1,4 фоизга ўсишини таъминлайди. Ваҳоланки, 2012 йилда бу кўрсаткич 2,2 фоизни ташкил қилган эди.

Жума куни АҚШ президенти республикачилар етакчилари билан Оқ уйда олиб борган музокаралари кўзланган натижани бермагач, "Бу фожеа эмас, аммо иқтисодиёт учун оғрикли бўлиши"ни айтиб ўтди.

истиқболда янада ўсишига йўл қўймайди.

INFOGRAFIKA

ВВСнинг Вашингтондаги дипломатик муҳбири Марк Марделнинг ёзишича, бу ерда гап сиёсий театр ҳақида кетмоқда. Айнан ушбу спектаклда асосий савол "Ким айбдор?" деган савол жавоб топишдир. Ҳозирча сўровлар шуни кўрсатаптики, аксарият америкаликлар республикачиларни айбламоқда.

Аммо иккала партия вакиллари ҳам муаммога Америка келажиги нуқтаи назаридан қарашни истамаяпти. Бу масала кеча ёки бугун пайдо бўлгани йўқ. Аввалига "молиявий жарлик", кейин "секвестер"

топдиганларга даромад солигини ошириш ҳақида таклифи республикачилар томонидан тўхтатиб қўйилди.

Ҳали бу ҳаммаси эмас. Шу йилнинг 27 мартда федерал ҳукумат фаолият юритиши учун қабул қилинган вақтинчалик бюджетнинг муддати тугайди. Ўша кунга қадар "бюджет уруши" давом этади. Икки партия бир-бирини айблашди давом этади. Давлат хизматчилари ва халқаро биржалар бу спектакл нима билан тугашини юрак ҳовучлаб қутишига тўғри келади. Чунки янги бюджет тасдиқланмаса, федераль агентликлар ёпилишга мажбур бўлади. Бу давлат ташкилотлари ишламайди дегани.



Oasis Mega Market

2828 Coney Island Ave Brooklyn N.Y. 11235
(CORNER OF AVE. Z)
718-759-6030



Produce



BLUEBERRIES-BLUETS
FLORIDA STAR-STRAWBERRY
SWEET MANGO
CUTIES CALIFORNIA MANDARIN
BLACK PLUM
LEMONS
AVOCADO'S
DELICIOUS APPLES DIFFERENT VARIETIES
AND MANY MORE...

Fresh Meat



CHICKEN DRUMSTICK
CHICKEN LEG
WHOLE CHICKEN
CHICKENTHIGH
BEEF
VEAL WITH BONE
GOAT MEAT
CHICKEN WINGS
AND MANY MORE...

Grocery



СМАК/МАКФА -PASTA PRODUCTS -
"NESTFADENNUDELN" EGG NOODLES HOMEMADE
VARIETIES OF SODA DRINKS & JUICES
ЯРМАРКА ПЕРЛОВАЯ КРУПА (PEARL BARLEY)
ВОЛОЖКА КУКУРУЗНАЯ КРУПА (CORN GRITS)
ГРЕЧКА (BUCKWHEAT GROATS)
АННУШКА- ПОДСОЛНЕЧНОЕ МАСЛО
(SUNFLOWER OIL)
AND MANY MORE...

Vegetables



FRESH BROCCOLI
FRESH LEEK
LOOSE CARROTS
FRESH CELERY
WHITE TURNIPS
GREEN CABBAGE
ITALIAN PARSLEY
RED POTATOES
AND MANY MORE...

Seafood



TILAPIA
SWAI FILLET
SALMON FILLET
CRAB MEAT LUMP
JUMBO SHRIMP
CALAMARI
PEI MUSSELS
TUNA STEAKS
AND MANY MORE...

Dairy



WHOLE MILK
БАБУШКИНА СМЕТАНА (SOUR CREAM)
CREAM-O-LAND BUTTERMILK
MERVEYOGURT KAYMAKLI
AMISH "СЛИВОЧНОЕ МАСЛО" (BUTTER)
PRESIDENT UNSALTED BUTTER
LARGE EGGS
DIFFERENT VARIETIES OF CHEESE
AND MANY MORE...

Bakery



EGG CHALLAH
ALADDIN BAKERY WRAPS
ALADDIN BAKERY BAGELS
UZBEK PIDE BREAD
"МЕДОВИК" MEDOVIK CAKE
STRAWBERRY CHEESECAKE
ROGALIKI
NAPOLEON CAKE
HONEY BEE CAKE
VARIETIES OF CAKES
EGGS
AND MANY MORE...

"The Market for all your needs"

OPEN 24 HOURS, 7 DAYS A WEEK
MONDAY-SUNDAY

ORDER ONLINE
www.oasismegamarket.com
OR BY PHONE
718-759-6030

Free Shipping
On Orders Of \$100 or More



Соатига камида 9 доллар. Камбағал орзуси, ҳукумат ваҳимаси, иқтисодчилар прогнози

2013 йилнинг 1 январидан Америка Қўшма Штатларининг қарийб ярмида соатбай тўланадиган иш ҳақининг миқдори оширилган. Мутахассисларнинг фикрича, ҳукумат бундай қарорни мамлакатдаги иқтисодий салоҳиятнинг яхшиланиб бориши билан қабул қилишмоқда. Шунинг айтиб ўтиш керакки, шу йилнинг бошидан АҚШнинг 13 штатида, чунончи, Мэриленд, Нью-Йорк, Нью-Жерси ва Гавайя оролларида соатбай иш ҳақи оширилди.



Тўғриси, Нью-Жерси штати губернатори, республикачи Крис Кристи соатбай иш ҳақини 1,25 долларга, яъни 8,5 долларга ошириш ҳақидаги қонун лойиҳасини маъқулламади, балки бор-йўғи бир долларга рози бўлди. Ўз навбатида, бундай таомил сўнгги уч йил давомида амалга татбиқ этилади.

Яна тўққиз штатда иш ҳақи автоматик тарзда кўтарилди. Уларда бу кўрсаткич соатига 10 ва 35 центни ташкил этди. Род-Айленд маҳаллий қонун чиқарувчи органи эса "минимал ойлик"ни соатига 7,4 доллардан 7,75 долларга оширишга қарор қабул қилди.

Бошқа штатларда ҳам иш ҳақини кўтариш масаласи ҳозирги кунда кўриб чиқилаётган бўлса-да, жиддий муҳокама ва музокарага сабаб бўлмади. Федерал миқёсда соатбай иш ҳақи 2009 йилда 5,15 доллардан 7,25 долларга кўпайтирилган эди.

Конгресснинг таълим ва меҳнат масалалари бўйича кўмитаси ҳузуридаги демократлар билан алоқалар бўлими директори Аарон Олбрайт бугунги кунда иш ҳақи масаласида штатлар ва федераль ҳукумат даражасида биргаликда иш олиб борилаётганини ҳамда жойлардаги ҳукуматлар иш ҳақини ошириш зарурат эканлигини аниқлаб этишмоқда, деб қайд этади.

"Кам таъминланган ишчилар қўшимча маблағларни, шубҳасиз, ўзлари яшаётган ҳудудда сарфлашади, шу билан маҳаллий иқтисодиётни қўллаб-қувватлашади", деди Нью-Йоркдаги Abundance Cooperative Market менежери Жим Де Лука. Ушбу магазин маъмурияти 2011 йилда ходимлар учун энг кам иш ҳақини 8,75 долларга оширишга эди. Ваҳолаки, бу даврда Нью-Йоркда энг кам иш ҳақи соатига 7,25 доллар эди.

Айни пайтда иш ҳақини оширишга қарши чиқувчилар бу ташаббус яхшиликка олиб

келмаслигини уқтиришади. Чунончи, Employment Policies Institute тадқиқотлар бўлими директори Майкл Сальцман фикрича, ойлик маошнинг оширилиши компанияларни иш вақтини қисқартириш ҳамда ишчиларни бўшатишига олиб келади.

California Small Business Association вакили Ник Анастасопулоснинг фикрича, энг кам иш ҳақи оширилиши керак. Аммо бу, шубҳасиз, истеъмолчилар чўнтагига зарардир.

АҚШ меҳнат статистикаси бюроси маълумотларига кўра, 2011 йилда Америкада 73,9 миллион киши соатбай ҳақ олиб ишлаган. Улардан бор-йўғи 1,7 миллион нафари айнан энг кам миқдорда маош олган, холос. 2012 йилнинг сентябрида хусусий секторда тўланган ўртача соатбай иш ҳақи қарийб 24 долларни ташкил этди. Бу 2009 йилдаги кўрсаткичдан 6 фоизга кўпдир.

Маълумки, АҚШ Конгрессида йил якунлари ва 2013 йилдаги устувор вазифалари бўйича "Мамлакатдаги вазият хусусида" маъруза қилган Барак Обама соатбай иш ҳақини инфляцияга қараб, 7,25 доллардан 9 долларга оширишни таклиф қилди.

Нобель мукофоти совриндори, дунёнинг кўзга кўринган иқтисодчиларидан бири Пол Кругман Обаманинг ушбу ташаббуси ҳақида The New York Times газетасидаги колонкасида ёзади: "{Обама}



ўз маърузасида бир қатор яхши ғояларни ўртага ташлади. Афсуски, уларнинг қарийб барчаси маблағ талаб қилади..."

Гарчи иқтисодиёт бўйича

барча дарсликлар энг кам иш ҳақи миқдорини оширишга мажбурлаш бизнес юкини оғирлаштира-да, Кругманнинг фикрича, бу жуда ҳам яхши ният. "Чунки, - дейди Кругман, - ҳозирги энг кам иш (соатбай) ҳақи барча ақл билан ишлаб чиқилган стандартлардан камдир. Иш ҳақини ошириш инфляция кўркуви боис бир неча ўн йил давомида орқага суриб келинади. Аслида ҳозирги кундаги энг кам иш ҳақи 60-йиллардаги энг кам иш ҳақидан оздир. Ваҳолаки, меҳнат унумдорлиги бу даврда 2 баравар ошди. Шундай экан, маошни оширишнинг вақти етиб келмадимиз?"

Иш ҳақини ошириш иш ўринларининг қисқаришига олиб келади, деган фикрга Кругман ўз эътирозини билдиради. АҚШ иқтисодиёти жуда кўп таҳлил қилинган, ойлик маошлар неча мартабала оширилган бўлса, бундан кўчага ишчи-ходимлар кўчага улоқтирилмаган. Унинг фикрича, инсонлар ўртасидаги муносабатлар иқтисодиёт қонунларига кўп ҳам буйсунавермайди.

Ойликнинг маошнинг оширилиши "энг кўп ишлайдиган ва энг кам пул оладиган"ларга ижобий таъсир кўрсатади, деди иқтисодчи.

Пол Кругманнинг фикрича, "Обаманинг энг кам иш ҳақини ошириш бўйича ташаббуси - яхши иқтисодиёт. Бу яхши сиёсат ҳам: бу йўл билан асосий овоз берувчи электоратнинг маоши оширилмоқда, шу жумладан, республикачиларни қўллаб-қувватлайдиган аёлларнинг (эркакларнинг эмас) ҳам (аёллар эркакларга нисбатан кам маош олиши кўзда тутилмоқда). Ўз навбатида, Конгрессда республикачилар ҳар қандай "ошириш"ларга қарши чиқишмоқда. Нима учун? Уларнинг фикрича, бу ўз ишини йўқотиши мумкин бўлган одамларни безовта қилмоқда. Аммо бунга у даражада ишониб бўлмайд".

Таниқли америкалик киноактёр Том Харди британиялик махсус хизмат вакили ҳақидаги "Самарқанд" фильмида бош ролни ижро этади. Бу ҳақда The Hollywood Reporter хабар тарқатди.

Голливудда "Самарқанд" фильми суратга олинади

"Самарқанд" дем номланган мазкур драмада бош ролни ижро этадиган Том Харди "Қора рицар: афсонанинг тугилиши", "Рокнролчи" каби фильмлардаги роли билан киноихлосмандларига яхши таниш.



Фильм воқеалари марказида Буюк Британия армиясининг махсус бўлинмаси жангчиси ҳаёти ҳақида сюжет ўрин олган бўлиб, у ҳарбий амалиёт даврида олган тан жароҳатидан сўнг тушкунликка дуч келиб, руҳий хасталикка йўлиқади. Қайси ҳарбий можаро кино учун мотив бўлиб хизмат қилгани ҳақида маълумотлар йўқ.

Фильмни суратга олиш Самарқанд ҳудуди олиниши ёки олинмаслиги ҳақида ҳам нашриёт ҳеч қандай ахборот бермаган.

Фильм Solar Pictures компанияси студияси томонидан ака-ука Грег ва Олли Уильямслар сценарийси асосида суратга олинади.



Аскар Баҳриддин Ҳақимов 1980 йилда Афғонистонда бедарак кетганлар рўйхатида эди. Яқинда у Афғонистоннинг Хирот вилоятида топилган. 12uz.com порталининг ёзишича, у Самарқанд вилоятидаги қариндошлари билан учрашиши мумкин. Бу ҳақда ҳарбий-ветеранлар жамиятининг вилоят бўлими раҳбари Эсон Ҳасанов маълум қилган.

Афғонистонда 1980 йилда бедарак кетган ўзбек аскарлари топилди

Унинг сўзларига қараганда, масала бир ҳафта ичида ҳал қилиниши керак. Ҳақимовнинг ота-онаси қазо қилган бўлиб, ёлғиз акаси бор. Акаси Шароф Ҳақимов истеъфодаги милиция подполковники бўлиб, ўз укасини суратидан аниқлаган.

Маълумотларга кўра, Баҳриддин Хирот атрофидаги 101-мото-ўқчи полкда хизмат қилган. 1980 йилги жангда жиддий жароҳатланади. У маҳаллий аҳоли қарамоғида қолади. Уни маҳаллий табиий воситалари ёрдамида даволашган. Ҳозирги кунда ўзи ҳам табиблик билан машғул. У Шайх Абдулла номини олган бўлиб, кейинчалик уйланган, хотини вафот этгач, ёлғиз ҳаёт кечирган. Унинг шахсини тасдиқлай-

диган ҳужжатлар йўқ. Рус тилини тушунса-да, базур гапирди. Унинг асаб тизими жиддий лат еган бўлиб, қўллари қалтирайди, базур сўзлайди. Лекин у чақирикқа қадар яшаш жойини ҳамда ота-онаси исмини ёдга ола олган.

Шунинг айтиб ўтиш керакки, 1979 йилдан 1989 йилга қадар собиқ Иттифокнинг Афғонистондаги 40-армияси сафида 65 минг нафар ўзбекистонлик иштирок этган. Улардан 1512 нафари қурбон бўлган, 2500 нафари ногирон бўлиб қайтган.

РИА Новостининг ёзишича, Баҳриддин Ҳақимовни МДХ давлат раҳбарлари кенгаши ҳузуридаги ветеран-интернационалистлар масаласи бўйича қўмида вакиллари топишга муваффақ бўлишган.

Хонанда Лайлонинг ўлими кимга керак бўлганди?

Инсоннинг ҳаёти унинг қанча умр кўргани билан эмас, балки қандай яшагани орқали ўлчанади, деган гапни кўп бор эшитганмиз. Баъзи инсонлар қисқа умр кўрса-да, ўзидан ёрқин из қолдиришга улгуради. Ана шундай инсонлар қаторига ўзбек санъатининг ёрқин юлдузларидан бири, марҳум Лайло Алиевани қўшиш мумкин.

Бундан ўн етти йил аввал у санъатга ҳақиқий юлдуз сингари кириб келиб, жарангдор овози билан кўпчиликнинг дилидан чуқур ўрин эгаллаб олганди...

Аммо 1998 йил 1 май куни бевақт ўлим ёш ва умидли хонандани орамиздан олиб кетди. Хонанданинг хонандонига бостириб кирган жиноятчилар гуруҳи, унинг умрига завола бўлишди. Пул, бойлик васвасасида бу оғир жиноятга қўл урган жиноятчилар, Лайлонинг ҳамкасблари "Ал-вакил" гуруҳи йигитлари эди. Даҳшатлиси, бу хунрезлик хонанданинг уч ярим яшар фарзанди кўз ўнгида юз берганди.

Лайло Алиева орамиздан кетганига 15 йил бўлди... Лекин унинг оила аъзолари ўша машъум воқеани худди кечагидек эслашади. Лайлони биз ҳам унутганимиз йўқ, уни яна бир бор хотирлаш мақсадида яқинлари билан учрашдик.

Шаҳло Алиева (Лайло Алиеванинг ораси): — Синглимнинг ўлими оиламиз учун катта йўқотиш, фожиа бўлган. Онам раҳматли ҳам ҳаётларининг сўнги кунига, синглимни хотирлаб, ўксиб-ўксиб йиғлаб ўтдилар (йиғлаб юборди). Ўтган 15 йил синглим-

нинг бешафқат ўлими билан боғлиқ хотираларимизни ўчира олмади. Ҳаммаси ёдимизда. Синглимнинг ёлғиз фарзанди Жасурнинг ёнида онаси ҳақида деярли гапирмаймиз. Сабаби, у онасининг ўлимини ўз кўзи билан кўрган. Ҳамон ўша воқеалар хотираси билан яшайди. Даҳшатли воқеани ҳар бир сониясигача унутмаган, тўғрироғи унутмаган. Эсимда, Жасур онасининг ўлимидан кейин шок ҳолатидан йиллар давомида чиқа олмаганди. Фақатгина руҳшуноснинг ёрдами билан у одатий ҳаёт тарзига қайтди. Кўрқув ҳисси уни тинч қўймасди. Ҳозир у капкатта йигит. Ташқи кўриниши, феъл-атвори онасининг ўзгинаси. Онаси каби олдига қўйган мақсади сари интилувчан, режалаштирган ишини амалга оширмасдан тинчимайдиган. Унга қарасам, синглимни кўргандек бўламан. Жасур март ойида ҳарбий хизматни ўташ учун кетади. Хизматдан қайтгач эса, ҳуқуқшунослик

соҳасини пухта эгаллашни ният қилган (йиғлаб). Афсус ўглининг ютуғини онаси раҳматли кўролмай кетди...

- Санъатга қизиқиши борми?

- Очигини айтсам, санъатга қизиқиши ҳам, иқтидори ҳам жуда кучли. Агар санъат соҳасини эгалласа, катта ютуқларга эришишига ишонаман. Ҳатто у бироз вақт рэп йўнали-



шига ҳам қизиққан. Хобби сифатида мусиқа ёзишни яхши кўради. Турли мусиқа асбоблари бор.

- Хонанда бўламан деса...

- Биз қаршилик билдирмаслигимиз аниқ. Аммо бу нарсани унинг ўзи истамайди, назаримда. Бироқ олдиндан бир нима дейиш қийин. Балки санъат соҳасини танлар, балки йўқ... Ким билади дейсиз...

- Лайло Алиева ўлимининг сабабини ҳамма турлича гумон қилади. Синглизининг жонига қасд қилганлар уйингизга қайси мақсадда келишган деб ўйлайсиз?

- Биласизми, бу воқеани эшитганларнинг аксарияти ва суд ҳам синглимни пул ва тиллалари учун ўлдирилган деб қарор чиқаришди. Аммо шахсан менинг фикримча, бу жиноятда пул иккинчи ўринда бўлган...

- Бундай дейишнингизга асос борми?



- Жиноятчилар бойлик истаб келишганида хонандонинг барча қимматбаҳо нарсасини олиб кетиши керак эди. Лекин улар синглим таққан тилла тақинчоқлар ва унга дадам берган 20000 АҚШ долларнигина олишган. Айтмоқчи-

манки, жиноят қилганлар фақат кўзларига кўринган нарсаларнигина олиб кетишган. Устига-устак уларга синглимнинг ҳали мухлисларга ҳавола этилмаган янги кўшиқлари ёзилган кассеталарни ҳам олишган.

- Жиноятчилар кўлга олинганга қадар анча вақт ўтганидан хабаримиз бор...

- Лайлонинг қотилларини бир йил излашган. Қотиллик қилган "Ал-вакил" гуруҳининг аъзоларини эса Москва шаҳридан топишган. Жиноятни учаласи қилган бўлса-да, бири оқланди. Иккитаси 15 йилга озодликдан маҳрум қилинган. Жазодан қутулиб қолган йигитнинг вафот этгани ҳақида ҳам эшитдик...

- Лайлонинг мухлислари ҳалигача келиб туришар экан, шу ростми?

- Ҳа, синглимнинг мухлислари уйимизга келиб туришади. Онам раҳматли

синглимнинг мухлислари билан суҳбатлашишни яхши кўрардилар (йиғлаб юборди). Ҳалигача синглимнинг қабрида гуллар ва мактублар туради. Биласизми, баъзи хонандалар Лайлонинг кўшиқларини куйлаш учун рухсат сўраб келишади. Аммо мен бу таклифларнинг ҳаммасини рад этганман. Бундан ранжиганлар ҳам йўқ эмас. Улар мени тушунишларини истардим. Синглим куйлаган ҳар бир кўшиқда унинг ўзи яшайди. Мен уни бегоналарнинг қўлига тутқазма олмайман. Насиб этса, яна бир-икки йиллик тайёргарликдан кейин қизим Ширин холасининг кўшиқларини куйлайди. Мен синглимнинг кўшиқларини куйлаш ҳуқуқини фақатгина унга берганман.

Шаҳло опа билан синглисини хотирлар эканмиз, у Лайлонинг хушчақчақ, ҳаётсевар бўлганини кўп такрорлади. Ҳақиқатдан ҳам Лайло бошқалардан айнан мафтункор ва сеҳрли, ҳаётга чанқоқ нигоҳи билан ажралиб турарди. Одамларга яхшилик қилишга, уларнинг кўнглини олишга, савобли ишларни кўпроқ амалга оширишга шошарди. Хонанданинг амалга оширишга улгурган ишлари ҳақида эшитиб, беихтиёр бундай инсонлар ердаги фаришталар бўлса керак, деган фикр келади ҳаёлимга...

ФАКТ:

- Лайло Алиева 1975 йилда Тошкент шаҳрида туғилган.
- Хореография мактаби ва Ўзбекистон Давлат Консерваториясида таълим олган.
- Саодат Қобулованинг энг сеvimли шогирларидан бўлган.
- Руслан Шарипов ва Иброҳим Жиянов билан ҳамкорликда ишлаган.
- Лайло Алиеванинг 21 та кўшиғи ва иккита клипи мухлислар эътиборига ҳавола этилган. Афсуски, у ўзининг учинчи клипини мухлислари эътиборига ҳавола этишга улгурмай, бу ёруғ оламни тарк этган...

Алия Тўлембаева тайёрлади.



Кейинги пайтларда оммавий ахборот воситаларида НАТО шафелидаги халқаро хавфсизлик кучларининг Афғонистонни тарк этиши ва уларнинг ўз ҳарбий техникаларини имтиёзли асосда Афғонистон билан шимолда чегарадош давлатларга сотиши ҳақида кўплаб ахборотлар, турли "эксперт" ва мутахассисларнинг бу борадаги фикрлари пайдо бўлмоқда.

Ўзбекистон армияси Марказий Осиёда барқарорлик гаровими?

Хусусан, Марказий Осиё бўйича германиялик эксперт Виталий Волковнинг Қозоғистоннинг "Новая газета"сига берган интервьюсида НАТОга аъзо-давлатларнинг, чунончи, Германия, Буюк Британия ва АҚШнинг Ўзбекистонга имтиёзли асосда маълум ҳарбий техникани сотиши кўшни давлатлар, чунончи, Қозоғистон хавфсизлиги учун ҳам таҳдид солиши мумкин эмиш.

Шуни алоҳида қайд этиш керакки, расмий Тошкент учун Афғонистондан НАТО кучларининг олиб чиқиб кетилиши ва бир қисм ҳарбий техниканинг Ўзбекистонга имтиёзли нархларда сотилаётгани қувончли хабар эмас. Гап шундаки, НАТО Афғонистонда толибонлар ҳокимиятига барҳам берган эса-да, лекин ушбу минтақа барибир террористик гуруҳлар, ҳарбий тўдалар макони бўлиб қолмоқда. Бир сўз билан айтганда, Афғонистон ҳали ҳам кўшни давлатлар учун хавф бўлиб қолмоқда. Мамлакатда марказий ҳукуматнинг жуда ҳам заиф эканлиги, аҳоли ўртасида унга нисбатан ишончнинг жуда пастлиги Афғонистон тақдирини яна савол остида қўяди.

Қолаверса, Ўзбекистон анча йиллардан бери халқаро миқёсда бонг уриб келаётган Афғонистондаги конфликтда иштирок этаётган барча кучларни, этник ва диний бирликларни бир музокара столи атрофида йиғиш масаласи ҳам орқага суриб келинмоқда. Мамлакат иқтисодий-тинчилик оёққа турғазини масаласи ҳам жуда оғир кечмоқда. Мамлакат бюджети харажатларининг қарийб барча қисми хорижий давлатлар ажратадиган маблағларга боғлиқ бўлиб қолмоқда. Масалан, АҚШ сўнги беш йил ичида Афғонистоннинг салкам ярим миллионлик ҳарбий, ҳуқуқ-тартибот кучларини молиялаштириш, уларга техник ва бошқа кўмак кўрсатишни ўз зиммасига олмоқда.

Шу маънода айтганда, Ўзбекистон учун Афғонистон келажаги туманли бўлиб

қолар экан, ҳарбий кудратини мустаҳкамлаш, Президент Ислом Каримов 14 январь - Ватан ҳимоячилари куни муносабати билан йўллаган табригида қайд этганидек, "...тобора кучайиб бораётган қарама-қаршилик, сиёсий ва диний радикализм ва экстремизм, чегараларимизга бевосита яқин ҳудудларда можароларнинг давом этаётгани, биринчи навбатда, ISAF деб аталмиш халқаро коалицион кучларнинг Афғонистондан 2014 йилгача ва ундан кейин олиб чиқиб кетилиши кўзда тутилаётгани билан боғлиқ равишда кескинликнинг янада ортиб бораётгани жаҳон ҳамжамиятида ҳақли равишда хавотир уйғотмоқда... Минтақамизда ташқи кучлар ўртасидаги манфаатлар курашининг кучайиб бораётгани вазиятни янада чигаллаштирмоқда. Чегарага яқин ҳудудларда бузғунчи тўдалар ва кўпуровчи-террорчи гуруҳларнинг фаоллашуви, ижтимоий-иқтисодий муаммолар, сиёсий ва миллатлараро зиддиятларнинг кескинлашиб бораётгани оқибатида ҳарбий-сиёсий вазиятни издан чиқариши мумкин бўлган жиддий таҳдид ва хатрлар пайдо бўлмоқда.

Сарҳадларимизга бевосита яқин ҳудудларда мураккаб вазият юзага келаётгани, биринчи навбатда, юқорида зикр этилган хавф-хатарларнинг олдини олиш ва бартарф этиш, юртимизда тинчлик ва осойишталикни таъминлаш бўйича кечиктириб бўлмайдиган чора-тадбирлар кўришни тақозо этмоқда..." Шу маънода айтганда, Ўзбекистон ўз ҳарбий салоҳиятини кучайтириш ва мустаҳкамлаш йўлидан бориши турган гап. НАТО кучлари Ўзбекистон ҳудуди орқали ўз контингентини олиб чиқиб кетишга ҳаракат қилар экан, расмий Тошкент бундай имкониятдан фойдаланишга интилиши шубҳасиздир. Ўтган давр мобайнида НАТОга аъзо давлатларнинг юқори мартабали вакилларининг Тошкент сафарлари чоғида бир қатор

шартномалар имзоланганини айтиб ўтиш керак.

Чунончи, "Ўзбекистон Республикаси Ҳукумати билани Америка Қўшма Штатлари Ҳукумати ўртасида Афғонистон Ислом Республикасининг хавфсизлиги, барқарорлиги ва тикланишини таъминлаш бўйича саъй-ҳаракатларда Америка Қўшма Штатларининг иштирок этиши муносабати билан Ўзбекистон Республикаси ҳудуди орқали юкларни ва персонални ҳаво йўли билан транзит ташиш тўғрисидаги Битимни (Тошкент, 2012 йил 28 март) ратификация қилиш ҳақида"ги Ўзбекистон Республикаси Қонуни Ўзбекистон парламенти томонидан маъқулланган эди.

Ўтган йили охирида парламент томонидан тасдиқланган қонунга кўра, Буюк Британия ва Шимолий Ирландия қўшма қироллиги ҳарбий ҳаво кучлари Ўзбекистон ҳудудидан транзит мақсадларида фойдаланиши мумкин.

Буюк Британия мудофаа вазири Филипп Ҳаммонднинг таъкидлашича, икки давлат ўртасида имзоланган битимга кўра, британияликлар Ўзбекистон авто ва темир йўлларидан фойдаланган ҳолда ўз ҳарбий кўшин ва аслахаларини олиб чиқиб кетиши мумкин. Вазирга кўра, Буюк Британиянинг ҳарбий соҳадаги ҳамкорлиги Ўзбекистоннинг чегарада хавфсизликни таъминлаш учун айна муддаодир.

Қонун талабларига кўра, Ўзбекистон Буюк Британиянинг Афғонистонда хавфсизликни таъминлаш миссиясида иштирок этаётгани учун, шунингдек, бир қатор халқаро ҳужжатлар талаблари асосида ўз ҳаво кенгликларидан фойдаланишга рухсат берган. Шу билан бирга, Буюк Британия ҳаво кучлари Ўзбекистон ҳудудига кўнмасдан транзит сифатида фойдаланиши керак.

Шуни алоҳида қайд этиш керакки, Афғонистондаги тинчликни сақлаш ва терроризмга қарши курашишда НАТО

шафелигида Халқаро хавфсизликни таъминлашга кўмаклашиш кучлари фаол иштирок этиб келмоқда. Ушбу тузилма таркибида 46 мамлакат ҳарбийлари ва ҳарбий техникалари жалб қилинган бўлиб, урушнинг ҳаддан ташқари узоқ муддат мобайнида давом этаётгани, қолаверса, глобал молиявий-иқтисодий инқироз туфайли аксарият мамлакатларда ҳарбий харажатлар миқдори кескин қисқартирилгани улар сафини кескин камайтирмоқда.

АҚШнинг Афғонистонда 46 минг ҳарбий техника, шунингдек, 100 минг контейнер юки бўлиб, унинг қиймати 49 миллиард долларни ташкил қилади.

Буюк Британия ҳар куни Афғонистондан 80 тоннадан ортиқ ҳарбий техника ва курул-яроғни олиб чиқишни режалаштирляпти. Юкларнинг умумий миқдори 6500 контейнерга тўғри келади. Сўнги маълумотларга кўра, 11 йил давомида Британия контингенти Афғонистонга 2600га яқин ҳарбий техника олиб келган.

Юқорида қайд этганимиздек, Ўзбекистон НАТО шафелигида халқаро кучларнинг 2014 йилда Афғонистонни тарк этиши ҳақида қарорини унчалик ҳам қувонч билан кутиб олгани йўқ. Чунки НАТО кучлари Афғонистонда ўз миссиясини тўлиқ бажара олгани йўқ. Толибонлар ҳаракати ҳали-ҳануз мамлакат хавфсизлиги учун катта таҳдид бўлиб қолмоқда. Шундай бир шароитда Ўзбекистон учун жанубий чегара ҳудудларининг хавфсизлиги хусусида бош қотириш долзарб масалалардан ҳисобланади.

Россия Федерацияси эса НАТОнинг Афғонистондан чиқиб кетишини олқишлаб, бунга тезроқ киришиш кераклигини таъкидламоқда. Бу ҳақда Россия Бош вазири ўринбосари Д.Рогозин бир неча бор айтиб ўтган эди. Хусусан, Россия Федерациясининг БМТ Хавфсизлик кенгашидаги доимий вакили В.

Чуркин Россия 2014 йилдан сўнг Афғонистонда НАТО кучлари амалиётларига билан боғлиқ муносабатларга аниқлик киритишни талаб қилишини таъкидлади. У ҳозирги НАТО кучлари Афғонистон ва бошқа кўшни давлатларда бошқа шаклларда ўз фаолиятини давом эттириши мумкинлигидан ҳавотирда эканлигини билдирган.

Қолаверса, Россия Федерацияси Марказий Осиёни ўзининг таъсир доирасида деб ҳисоблаб келади. Шу босидан улар АҚШнинг ушбу мамлакатлар билан ҳар қандай яқинлашувига яхши муносабат билдирмайди. Россиянинг Марказий Осиё бўйича муносабатлари "катта оғалар"ча бўлиб қолаётгани унинг ушбу минтақадаги таъсирини савол остига қўйиши шубҳасиз. Россиянинг минтақадаги давлатлар ўртасидаги низолардан ўз манфаати йўлида фойдаланиши, иккиёқлама сиёсат олиб боришга уриниши ҳам Ўзбекистонни ўз ташқи сиёсатини диверсификация қилишга, яъни етакчи давлатларнинг аксарияти билан ўта яқин ёки жуда узоқ бўлмаган ҳамкорлик алоқаларини ўрнатишга, яъни эҳтиёткорроқ бўлишга ундамоқда.

Ўзбекистоннинг ўз чегарасини етарли даражада хавфсиз қўриқлай олиши, истиқболда минтақада ўз манфаатларини ҳал қилиши учун ҳам ҳарбий салоҳиятини мустаҳкамлаши устувор вазифадир. Аммо бу салоҳият фақат ва фақат Ўзбекистон манфаатлари учун, мамлакат чегаралари дахлсизлиги учун ишлатилишига ишончим комил. Чунки Ўзбекистонда бошқа мақсад бўлганда 2010 йилда Қирғизистон жанубидаги воқеаларда ўта босиқлик кўрсатмаган бўлар эди. Ўзбекистон армияси ҳар қандай таҳдидларга тайёр туриши Марказий Осиёда барқарорлик ва хавфсизликнинг таъминлини кафолатидир.

Мурод ҒОҒУРОВ.



Райҳон аввал ўзи фарзандли бўлиб, кейин бола асраб олади



Хатто унинг ўтган йилги яккахон концерти волидаи муҳтарамасининг сўнги видолашув кунларига тўғри келса-да, бўғзига дарду алам тикилган бўлса-да, ичига ютди. Ичини тирнаётган "ғамлар лашкари билан кечган жанг"да сабрли бўлди, кўзида, юзида кулги билан куйлади, сахналаштирилгани каби ёниб рақсга тушди.

Концертнинг охири кунни эса оиланинг чинори қулади... Нозиккина, қалби тез жароҳатланадиган қизнинг ҳолини тасаввур қилинг! У ўзини йўқотгани йўқ. Яратган энг оғир синовлардан сўнг, Райҳонга энг бахтли онларни юборгандек...

Тасодифий учрашув, тасодифий муҳаббат! Бу севги учқуни шу қадар оловландики, хонанда ёниб куйлаб, фазодан бергин дея сўраган муҳаббат, интервьюларда бот-бот айтгани - орзу қилган шахзодасига етди. Куёв ҳам санъат оламида. Демакки, рафиқасининг қалбини, сўзини, ўзини тушунади ва фаолиятда ҳамжихат бўлиб уни қўллаб-қувватлайди.

Райҳон 2013 йилги концертини волидаи муҳтарамасининг ёрқин хотирасига бағишлади. "Даракчи" газетаси учун тақдим этган эксклюзив интервьюсида у ўз қалбини очди.

- "Қани" ажойиб клип. Ғоя сизникими?

- Ижодий гуруҳдаги ҳар бир инсон ўз ғоясини қўшди. Бахт, орзу ҳақидаги бу клипда дўстларим мени қўллаб-қувватлаганидан хурсандман.

- Сўнги пайтда нега профессионал шоирларга мурожаат этмаяпсиз?

- Нега энди? Бобур Умаров анча тажрибали шоир.

- Сиз шундай ўйлайсизми? Шеъринг тўпламлар ёзиб, халқнинг орасига шоир сифатида кириб борганларни назарда тутган...

- Тўғри, мен гоҳида битта қаламқашга боғланиб қоламан. Бошқа ҳамкасбларим турли шоирларга мурожаат этиб, тўғри қилишади. Умуман олганда, "Қани" шеърини мухлисларимдан бири ёзган. Санъаткор борки, мухлислар учун ижод қилади. Мухлисларим кўп шеърлар

юборишади. Барча шеърларни қўшиқ қилишнинг эса иложи йўқ.

- Тўйдан кейин принципларингиз ўзгардими?

- Принципларни ўзгартириб бўлмайди. Турмуш ўртоғим билан боғлиқ муносабатларимни айтсам, вақти келса, ён бераман. Рафиқа сифатида оилада иккинчи ўринни эгаллайман.

- Турмуш ўртоғингиз ишлайдими?

- Ижод учун у фақат шанба ва якшанба кунларини ажратади. Қолган кунлари бошқа иши бор!

- Йигитали клипларда кўрингач, қизларнинг ёқимтойига айлангани роқст. Сизга уйлангач, эса янада машҳур бўлиб кетди. Уни безовта қиладиган мухлисларга муносабатингиз?

- Ҳа, унинг мухлислари етарли даражада. Кўплари яхши тилаклар билдиришади. Айримлари билан боғлиқ бир-икки воқеалар жуда ёмон таъсир этди. "Фанат" ва "фанатизм" ўртасида фарқ бор. Унинг уйланганини билдишса-да, айрим қизлар телефон қилиб яқинроқ танишишни таклиф этишади.

Тунда ёки эрта тонгда бўлган бир-икки кўнғироқлардан ҳайратда қоламан. Бундай ҳаракатларидан уларнинг айримлари ибод, ҳаё, уятни эсидан чиқариб юбордимикан деган хулосага келдим.

- Сўнги пайтда санъатда яхши кўшиқлар деярли яратилмаяпти. Тарбиявий, оғир тош босадиган мавзудагилари эса унут бўлаётгандек...

- Нега энди?! Озодбек Назарбеков, Манзура, Сардор Раҳимхон, Нилуфар Усмоновларнинг сўнги кўшиқлари менга жуда ёқди. Улугбек Раҳматуллаевнинг сўнги икки йил ичидаги барча кўшиғи деярли хит. Шаҳзоданинг

"Қўллар тепага", Муниса Ризаеванинг "Дайди" кўшиғи, Пилигримнинг "Дилим" кўшиқлари ҳам чакки эмас.

- Мунисанинг "Секин-аста" кўшиғи "Дайди"га қараганда кўпроқ оммалашди.

- Бу кўшиқ менга у қадар ёқмади. Клипи агрессивроқ чиққан.

- Юлдузлик касалига чалиниб, халқнинг кўнглини қолдираётган ёш хонандаларга санъаткор сифатида қандай маслаҳат берасиз?

- Албатта, ҳар бир таниқли санъаткор аслида бундай даврни бошидан кечирган. Ҳеч ким бўлмасдан туриб, бирдан кўтарилиб қолсанг, "касалик"ка чалинишинг муқаррар. Санъатнинг ўнқир-чўнқирларидан ўтиб, секин-асталик билан муваффақиятларга эришган санъаткор ҳар бир лаҳзанинг қадрига етади.

- Сўнги пайтда хориз мусикасида Адел кўзга кўриниб қолди. Сизнингча, Марказий Осиёда ким шу каби порлаб чиқди?

- Юлдуз Усмонова, "Ялла" ҳамшиша севимли. Янги истеъдодлардан Мунисани айтишим мумкин. Икки йил ичида у кутилмаган машҳурликка эришгани рост.

- "Ижрочилар ва муаллифлар Гильдияси" ижодкорларга қай даражада кўмак берапти?

- Россиялик Руслана "Ёдингдами?" кўшиғимни рус тилига ўгириб қуйлаганидан хабарингиз бор. Россия Гильдиясига мурожаат қилишганида, улар адвокат олишимизни ва исбот этишимизни сўради. Мураккаб жараён - суд, далиллар, исботлар, пул сарфлаб вақт ўтказишни лозим топмадик. Гильдиямиз ижодкорларни ҳимоя қилишга уринаётгани кувонарли. Қозоқ кўшиқчиси Сиви ўғирлаб олган қилган "Бака банг" клипини интернетдан олдириб ташладик. Гильдия ўз кучига эга бўлиб борапти.

- Бир интервьюда фарзанд асраб олиш учун "Меҳрибонлик уйи"га борганингизни айтганингиз.

Турмуш ўртоғингиз бўлмагани сабабли, рад жавобини олганингиз бор. Фарзанд асраб олиш, нафақат оилани бутун қилиш, балки катта савоб ҳам...

- Очиғи, турмуш ўртоғим билан бу ҳақда тўйдан олдин гаплашгандик. Янги йил арафасида бир "Меҳрибонлик уйи"га байрам муносабати билан ташриф буюрдик. Кейин шундай хулосага келдик - аввал ўз фарзандимиз бўлиши лозим. Фарзанд кўргач, уни икки ёшгача етказиб, кейин фарзанд асраб олиш ҳақида ўйласак, мақсадга мувофиқ бўлади.

- Бу ҳаётнинг дарди ҳам, кувончи ҳам бор. Гоҳо дўст йўқотасиз, гоҳо душман топасиз. Сиз яхши ва ёмонни қандай ажратасиз?

- Ростини айтаман, инсонларни ажрата олмайман. Шунинг учунми, бу борада кўп адашаман. Ҳаммани бир кўришда яхши инсон деб ҳисоблайман. Бироқ, вақт ўтган сари унинг асл юзи кўринади. Мана ҳозирги кунгача, шоу бизнесда энг яқин деб билган инсонларимдан тўрттаси менга хиёнат қилди. Шоуга тааллуқли бўлмаган дўстларим оғир ва хуш кунларимда ҳамшиша ёнимда! Улар учун мен ҳам барчасига тайёрман.

- Кечиримлимисиз?

- Кечиримли бўлишимиз керак. Бировни муҳокама қиладиган ёлғиз Яратганининг ўзи. Кечираман-у, барибир юрагимдаги чандиқ унуттишга халал беради.

- Шундай пайтда сизни нима хотиржам қилади?

- У инсонни ёддан чиқараман. Чунки, муносабатларга аниқлик киритиш, вазиятни ойдинлаштириш, далил излаш фойда бермайди. Ортга назар ташласам, кечаги садақатсиз инсонларга бугун яна имкон берсам, адашаман. Бир марта ёмонлик қилган иккинчисига ҳам қодир!

- Сўнги пайтда ўз никобини ечган яқин дўстларингиз бўлдими?

- Ҳа. Исмини айтишим шарт эмас. Бу ҳақиқатнинг тасодифан очилиши эди.

Жуда ёқимсиз ҳолат. У самимий деб ўйлаган дугонам эди. Орқадан айтган гапларини эшитиб, ҳайратдан ёқа ушладим. Бегона гапирса, шунчаки қўл силтаб қўядим, яқин, ишонганим шундай қилгани эса унинг асл қиёфасини очиб берди.

- Қайси тилларни ўргангиз келади?

- Ўзбек тилини! Ҳаракат қиляпман. Гапларини осон тушунаман. Мураккаб жумлалар, адабий сўзларнинг маъини чақиб олишим мушкул (қулади). Вақти келиб, ҳаммасини тушунишимга ишонман. Инглиз тилини ривожлантиришим керак. Чунки ижодини кузатадиган хонандаларим асосан инглиз тилида куйлашади.

- Концертингиз февралдан апрелга кўчди...

- Мухлисларим ҳар доим февралнинг совуғини енгишарди. Ўтган йили ҳатто -20 даража совуқ бўлишига қарамасдан концертга кириш учун навбатда туришларини эшитиб, кайфиятим бузилганди. Қаҳратонда ўтган концертларимга байрамона руҳ бериш жуда мушкул кечган. Шу сабаб, яккахон дастуримни баҳор ойида ўтказишга аҳд қилдим.

- Бундан буёғига апрелда концерт берасизми?

- "Истиқлол" санъат саройида бирон бўш куннинг ўзи йўқ. Аслида октябр ойида концерт беришни режалаштиргандик. Афсус, бўш кун топилмади! Озодбек Назарбековдан кейин 6 кун вақт ажратилди. Бироқ, бир кунни фақат репетицияга ажратганмиз. Мухлисларим олдида хато қилишга ҳақим йўқ.

- Концертингизни "Ой-Жон" деб номлаганингиз. Бу Тамара Шокированинг орзуси эдимми?

- Ҳа. Интернетда "бу мотамми?" деган саволлар ҳам бўлди. Айрим одамлар мотам ва бағишловни тушунмаслигига ачинаман. Яна айримлар "ит хура, карвон ўтар" деган иборамни хато талқин қилишиб, "мухлисларини итга қиёслабди", дейишди. Мен мухлисларим учун ижод қилман ва уларсиз ҳеч ким эмаслигимни яхши англайман. Отажоним ўтган йили концерт беришимни истамаганди. Менимча, улар бу дунёни тарқ этишларини сезган. Ўтганидан кейин унинг хотирасига бағишлаб, концерт беришимни васият қилганди. Ким нима дейишидан қатъи назар, онаминг илтимосини бажариш мен учун ҳам фарз, ҳам қарз. У киши васият қилмаганида ҳам концертимни барибир онам ёдига бағишлардим. Менинг дардимни онасини йўқотганлар кўпроқ тушунади.

Жасур ҲАМРОЕВ суҳбатлашди.

Кичик ёшдаги болаларнинг суяк касалликлари борасидаги саволлар билан олий тоифали шифокор, травматолог-ортопед Донохон Шоисломовага мурожаат қилдик.

Болангизнинг оёғи тўғри ривожланяптими?

ФАҚАТ МАССАЖ ВА ФИЗИОТЕРАПИЯ

Савол - Ҳозирда ҳомиладорман. Биринчи фарзандим туғилганида қорнимда унинг оёқ суяклари чиқиб кетганлигини айтишди, бир неча бор даволангач, тузалди. Боланинг бундай туғилишига сабаб нимада?

Азиза Жўраева, Наманган вилояти
Жавоб - Онанинг ҳомиладорлик вақтида камқонлик, кучли таксикоз, юрак қон-томир ка-

ёрдамида ҳам муолажа қилинади. Агар бу касаллик кеч аниқланса, даволаш бироз мушкул кечади ва жарроҳлик усули билан даволашга тўғри келади.

ДИСПЛАЗИЯ НИМА?

Савол - Уч ойлик қизалоғимга дисплазия деб ташхис қўйишди. Бу нима дегани?

Нодира Парпиева, Самарқанд вилояти
Жавоб - Дисплазия - грекча "dis"- бузилиш, "plasis" - ривожланиш,

чиқиш сабаблари нимада?

Файрат Келидёр, Андижон вилояти
Жавоб - Оёқларнинг "X" ёки "O" симон қийшайиши рахит касаллигининг асорати санала-

ди. У D витаминининг етишмовчилиги сабаб юзага келади ва кўпинча орттирилган бўлади. Оёқларнинг бу тарзда қийшаймаслиги учун рахит касаллигининг олдини олиш, бир ёшгача бўлган соғлом болаларни ҳам ҳар 3 ойда доимий равишда ортопед шифокор кўригидан ўтказиб туриш лозим.

ЯССИОЁКЛИК ҲАҚИДА...

Савол- Яссиоёқликни даволаш мумкинми? У ниманинг оқибатида келиб чиқади, даволаш мумкинми?

Шокир Остонов, Тошкент вилояти
Жавоб - Яссиоёқлик туғма, рахит касаллигини бошдан кечириш, фалажлик, боланинг ўз тана оғирлигини кўтара олмаслиги, эрта юриш, жароҳатдан кейинги асоратлар оқибатида бўлиши мумкин. Айнан туғма яссиоёқлик кам учрайдиган ҳолат.

СИНГАН ЖОЙ НЕЧА КУНДА БИТАДИ?

Савол- Синган тана аъзоларини гипс қилдиришда нималарга аҳамият бериш лозим. Улар неча кунда битади?

Аҳмаджон Салимов, Кўқон шаҳри

Жавоб - Гипс қилдиришда энг аввало, синганлиги ёки дарз кетганлиги тахмин қилинаётган тана аъзоси рентгенга туширилади. Агар рентген натижалари синганлик ёки дарз кетганликини кўрсатса, гипс қилинади. Бунда шифокорнинг маслаҳатларига амал қилиш лозим. Агар гипсдан сўнг ўша тана аъзосида кўкариш, шиш аломатлари кузатилса, дарҳол шифокорга мурожаат қилиш керак бўлади. Гипснинг қанча муддат туриши синган суякларнинг жойлашган ери, синиқ тури ва беморнинг ёшига боғлиқ. Одатда болаларда суяк тезроқ, ўртача 2-3 ҳафтада битади. Катталарда эса 1-2 ойгача бўлган муддатни талаб этади.

ОРТОПЕДИК ПОЙАФЗАЛ КЕРАКМИ?

Савол - Кўпчилик фарзандига ортопедик поймафзал кийдиради. Бундай оёқ кийимни ҳамма кийиши мумкинми ёки улар фақат ортопедик муаммоси бор болалар учун мўлжалланганми?

Зироат Усмонова, Тошкент шаҳри

Жавоб - 3-4 ёшгача бўлган болаларда яссиоёқлик физиологик ҳолат саналади. Яъни, боланинг ёши катталашгани сари ўтиб кетиши мумкин. Оёқлардаги мушакларни мустаҳкамлаш ва яссиоёқликнинг олдини олиш учун кўпроқ тупроқ, қумда яланг оёқ юриш лозим. Болаларга ортопедик поймафзални фақат ортопед шифокорнинг тавсияси билан махсус текшириш усуллари, масалан компьютер-плантографияси (оёқнинг таг қисмидаги суякларнинг жойлашувига қараб, қандай ортопедик поймафзал кийиш лозимлигини аниқлаб берувчи таҳлил усули) дан сўнг буюрилади. Ортопедик поймафзални соғлом болаларга шифокорнинг тавсиясиз кийдириш ярамайди. Бу боланинг оёғини оғритиши ва акс натижа бериши мумкин.

ҲАР ЭХТИМОЛГА ҚАРШИ...

Савол - Яқинда турмуш ўртоғим қутилмаганда қоқилиб тушди. Кейин эса оёғи қаттиқ оғриб, шиша бошлади. Биз шунчаки пайи чўзилган деб ўйладик, аммо оғриқ тўхтамагач, шифокорга мурожаат қилдик. Кейин билсак, синган экан. Айтинг-чи, уй шароитида бирор жойи синган ёки пайи чўзилган беморларга шифокор хузурига етиб боргунга қадар қандай ёрдам кўрсатиш мумкин?

Илҳом Отажонов, Навоий вилояти

Жавоб - Жароҳат натижасида суякларни шикастланган беморларга уй шароитида биринчи ёрдам бериш учун жароҳатга тоза доқа боғлаш ва шу жойни қаттиқ бир жисмга бириктириб боғлаш лозим. Масалан тахтакач, қаттиқ картон ва ҳоказо. Сўнг тез ёрдам чақириш ёки яқинроқда жойлашган профилактика муассасасига олиб бориш керак.


Умида Якубова тайёрлади.



Айни кунларда мухлисларга яна янги қўшиқларини тухфа этиш билан банд бўлган хонанда Лола Йўлдошева яқинда "Қайтмайди" номли қўшиғига клип суратга олди.

Лола Йўлдошева тасвирга олиш вақтида сувга тушиб кетди

Суратга олиш ишлари республикамизнинг тоғли ҳудудларида бўлиб ўтди. Клипда режиссёрлар Ёдгор Носиров ва Муҳаммадали Искандаров ҳамкорликда ишлади. Унинг таъсирчан ва ишонарли чиқиши учун хонанда ҳаво -10 даража совуқ бўлишига қарамай, музда оёқ яланг юришга розилик берган. Аммо фалокат оёқ остида деганларидек, муз устида қўшиқ қуйлаётган хонанда, музнинг беҳосдан ёрилиши натижасида, сувга тушиб кетди. Ижодий гуруҳ зудлик билан хонандани сувдан олиб чиқишди. Аммо, мазкур қутилмаган ноҳушлик туфайли тасвирга олиш ишлари орқага сурилди. Сабаби хонандага соғлигини тиклаш учун вақт керак эди. "Қайтмайди" номли қўшиққа суратга олинган тоғ саҳналаридан кейин сув ости съёмкалари ҳам бўлиб ўтади.



салликлари, ревматизм бола сон суякларининг туғма чиқишига сабаб бўлиши мумкин. Шунингдек, қариндош-уруғлар орасида қурилган никоҳ, авлодда ҳам шундай ҳолатларнинг мавжудлиги бу хавфни кучайтиради. Ушбу касаллик қанча тез аниқланса, даволаш шунчалик осон ва самарали кечади. Бунинг учун чақалоқни бир ойликкача бўлган вақтида ортопед-шифокор кўригидан ўтказиш зарур. Сон суякларининг туғма чиқиши бир ёшгача бўлган болаларда консерватив усулларни қўллаш билан даволанади. Масалан: физиотерапия, массаж. Беморнинг индивидуал ҳолатига қараб баъзида гипсли ёки шинали боғламлар

сўзларидан олинган бўлиб, орган ва тўқималарнинг ҳомила даврида ривожланишдан орқада қолиши ёки бузилиши билан характерланади. Ўз вақтида даволанмаган сон-чаноқ бўғими дисплазияси сон суягининг чиқишига, бу эса боланинг оқсоқ бўлиб қолишига олиб келади. Агар касалликка ўз вақтида ташхис қўйиб даволанса, у бутунлай тузалиб кетиши мумкин. Бунда ортопед шифокорнинг маслаҳатларига амал қилиш лозим бўлади.

ОЁҚ ШАКЛИ...

Савол - Баъзиларнинг оёғи "X" ёки "O" симон эканини кўрамиз. Бу касалликларга изоҳ берсангиз, уларни даволаш мумкинми? Келиб

Хон ҳазратлари кўк мовут чопонини кийиб, саройдан чиқаркан, таъзим билан турган амалдорлар унинг қуёш нурларида ялтираётган тугма ва ёқларига эмас, балки эгнига зимдан назар солишди. Негаки, Ферузхон ҳазратларига Чор подшоси генерал унвонини берганди-да!...

Хива хонлигида гарчи ҳарбий штаб расман бўлмаса-да, генералу полковниклар саф тортиб турмаса-да, ўзига хос амалдорлар бўлган. Қолаверса, тез-тез бўлиб турадиган юришларда ҳукмдору амалдорлар ҳам ҳарбий лаёқатга эга бўлиб қолгандилар.



Исфандиёрхон Романовлар сулоласининг 300 йиллик тантанасида

Умид Бекмуҳаммад

ГЕНЕРАЛ БЎЛГАН ХОНЛАР

Хусусан, уруш ҳаракатлари бўлган тақдирда Нақибхўжа хон фармонида мувофиқ, қўшинни қуроллантириш, жойлаштириш ва бош штаб бошлиғи-ҳарбий кўмондонлик вазифаларини бажарган.

Шунингдек, ясовулбоши каби қўшин бошлиғи, миршаблар, хонни қўриқлашга маъсул амалдор, мингбоши ва юзбоши сингари навкарларнинг бошчилари ҳам бўлишганки, улар тинч даврда жамоат тартибини сақлаш, уруш даврида юрт муҳофаази билан шуғулланган. Сарханг эса қаъла атрофида муҳофаа истеҳкомлари қуриш ва қаъла хавфсизлигини сақлашга, Катовул ва саркардалар эса навкарлар ҳамда кичик қўшинларга бошчилик қилганлар.

1873 йил Хива хонлиги Россия томонидан забт қилинган, чор ҳукумати хонликни мустамлакага айлантирса-да, бир неча тўпу пилта милтиқлар, қиличу қалқондан иборат хонлик қўшинини ислоҳ қилиб ўтирмади. Хонликда навкарлар сақланиб қолса-да, дарёнинг ўнг қирғоғидаги ерлар Россия ихтиёрига ўтиб, у ерда

Петро-Александровск шаҳрига асос солинди. Шаҳарга махсус рус гарнизони ва ҳарбий қисм ҳам жойлаштирилди.

Хива хони Муҳаммад Раҳимхон 2 (Феруз) га эса 1883 йилда бир нечта ҳарбий орден ва унвонлар берилди. Дастлаб 1883 йил 11 майда хон Петербургга борганида император томонидан "Муқаддас Анна" ордени берилди. 1896 йил Николай Романов тахтга ўтирган пайтда хон яна Петербург, Москва ҳамда Кавказга борган эди. Ўша йилнинг февралда "Жаноби олийлари" унвони билан тақдирланган Ферузга 14 май куни яна бир ёрлик топширилади. Унда шундай сўзлар бор: "Жаноби олийлари! Сиз бошқараётган халқнинг тинч ва фарвон турмуш кечираётгани, хонликдаги рус ва маҳаллий халқларнинг аъло даражадаги муносабатлари ҳамда сизнинг самарали фаолиятингизни ҳисобга олиб, Сизга ўз илтифотимни билдириб, Сиз Жаноби олийларини ўзимнинг шонли армиям рўйхатига генерал-лейтенант қилиб киритдим" (Ичан қаъла музей қўриқхона фон-

ди, инв 3621).

Шунингдек, ушбу ёрликда яна "Сизга бўлган эзгу илтифотимнинг алоҳида белгиси сифатида Сиз жаноби олийларига кўкрагингизга тақиб юриш учун бриллиантлардан ёзилган ўз исми тасвирини юбордим. Николай 2", - дея ёзилган.

Хон яна Чор Россияси ҳукуматининг "Муқаддас Станислав" орденининг 1 даражалиси ва бриллиантлар билан безатилгани, тож кийиш маросими медаллари, бриллиантлар билан безатилган жиға, олтин соат ва узук билан тақдирланган.

Бундан ташқари, Ферузнинг амалдорларидан Ислохўжа, Комил Хоразмий, Матвафо Баққоловлар ҳам чор ҳукумати ордени билан мукофотланган.

1905 йил 12 ноябрда эса хон номига яна Петербургдан махсус ёрлик келади: "подшоҳ император, сиз жаноб олийга, атрофига олмос ўрнатилган, ўзларининг суратларини кўкрагингизга осмоққа ҳамда валиаҳд ўғлигиз Саид Исфандиёр тўрага полковник даражасини қабул айлаган".

Шу тарзда хон чор



ҳукуматининг генерал-лейтенанти, валиаҳд ўғли эса полковник ҳарбий унвонига эга бўлади. Бу даврда хонлик чор Россияси мустамлакаси бўлгани учун ҳеч қандай уруш ҳаракатлари бўлмади. Ёвмуд туркманларининг исёнларини эса генерал хону валиаҳд полковник эмас, ясовулбоши ва навкарлар бостирарди.


1910 йил августида Ферузхон вафот этган, тахтга валиаҳд, полковник Исфандиёр чиқди. Исфандиёр валиаҳдлик пайтида 1896 йил апрелда ҳамда 1900 йил июнда Петербургга бориб, шахсан Николай подшо билан мулоқотда бўлганди.

Тахтга ўтиргандан

сўнг, 1913 йилда у бир гуруҳ амалдорлари билан Романовлар сулоласининг 300 йиллик тантанасида иштирок этиш учун Петербургга боради. Шунда император Хива хони, чор ҳукумати полковниги Исфандиёрхонга генерал-майор унвонини беради. Ёнидаги амалдорлардан Хусанбекка полковник, Ислохўжа ва Матвафо карвонбоши каби амалдорларига катта юлдуз нишони, бошқа ҳамроҳларига бўлса, олтин, кумуш соатлар тақдим этилади. Ана шу сафар пайтида Исфандиёрхоннинг суюкли ўғли, ақлу заковатда, матонатда бобоси Ферузга тортган Темурғози тўра ҳам подшонинг иноятига сазовор бўлганди. Унга Петербургдаги гренадёр полки капитани ҳарбий унвони берилади. Бу ҳали қилинган илтифоту мукофотлар ниманинг эвазига бўлаётганини англамаган 11 ёшли шаҳзода учун чинакам болаларча қувонч ва шодлик эди.

Гарчи, Ферузхон, Исфандиёр ва Темурғози тўра ҳам чор ҳукуматининг олий ҳарбий унвонлари билан тақдирлансалар-да, улар ҳеч бир уруш ҳаракатларида иштирок этмаган. Генераллик погонини ҳам ҳамма вақт тақиб юрмас, фақат Россия ҳукумати вакиллари билан учрашгандагина Николай 2 берган унвон, ордену ёрликни зарчопонига тақиб, бошига миллий жиғали телпакни кийиб оларди.

Зеро, Ферузу Исфандиёрхонлар миллий руҳдаги, исломий кайфиятдаги шоиру фузалолар инсонлар бўлиб, улар учун чор ҳукуматининг ҳарбий унвонларини тақиб юриш ҳеч бир мағрурланидиган даражадаги вазифа эмасди. Улар шу боисдан ҳам зарчопонга рус маъмурлари билан учрашган ёки Россияга боргандагина генераллик нишонларини тақар эдилар.



Фирдавсий ҳикматларидан

Нодонликдан ёмонлик келадиди фақат,
Нодонга ёндашма, босмасин гафлат.

Шон-шавкат юксак мақсад сари интилганнинг мулкидир.

Икки дўст тураркан елкама-елка,
Тоғларни ҳам осон айлайди

тилка.

Ёмонга қўшилма, бўлурсан ёмон,
Қаросин юқтирар доимо қозон

Донолар сўзига қулоқ илмасанг,
Энг нодон сендирсан - билгил, билмасанг.

Панду насиҳатдан ким ўғирди юз,
Заҳмати минг бўлур, пушаймони - юз.

Нодонликдан ёмонлик келадиди фақат,
Нодонга ёндошма, босмасин гафлат.

Тахрибали ит барсни тутиб ер,
Қочар тулқидан жанг кўрмаган шер.

Ақл улугликка этади пайванд,
Ақлсизнинг доим оёғида банд.

Кимки тиг кўтарар биров жонига,
Замон ташна бўлур унинг қонига.

Бировга соғинса ҳар ким ёмонлик,
Ниҳоят ул ўзи топмас омонлик.

Тўғрилиқдан келмиш ҳамма яхши от,
Эгриликдан фойда кўрмади бир зот.

Қайда равшан бўлса тўғрилик нури,
Эгрилик сўнади, қурийдиги шўри.

Гапирмаган гапинг ичингда ниҳон,
Ҳар томон ёйилар айтганинг замон.

Ўзининг айбини билганда одам,
Бошқалар айбини сўзла-масди ҳам.

Ўзгага қилган мурувватингни дўстга ҳам, душманга ҳам мақтанма.

Ўз ёвин парвариш қилган одам хом,
Жаҳонда чиқарар ахлоқ деган ном.

Тирик қолиб ғаним бўлгандан шодон,
Шараф билан ўлиш яхшироқ чандон.

Сканворд

| | | | | | | | | | | |
|----------------|---------------------|------------------------|----------------------------------|-------------|--------------------|--------------------------------|-----------------|--------------------|---------------------|------------|
| Олий ўқув юрти | | | | | | Амир Умархон Волида | Широқ қаби-ласи | | | |
| | Толиб | Ҳай-рон Халойиқ | | | | | | Жул-қун-бой | | Ҳор-дик |
| | Даст-лабки | Аммо | | | | | Қомат | | | |
| | | | Йўл ҳақи Қитъа | | | | Чипор Масофа | | | |
| | Ёпиш-қоқ модда | ...саодат ...Париси | | | | Инсон Рухсат | | | | |
| | | | ... Фер-гюссон Арифметик амал | | | | | | | Она (шева) |
| | Пул бирлиги Жоду | | | Соф, тоза | Олтин | | | | Қуралаш Башарият | |
| | | | Гавайи маркази | Тропик мева | ... Се-бостиян Бах | | | Ички ишлар бўлими | | |
| | Излаган ... топар | | | | | Икки шохли таёқ | | | | |
| | | | | | | Қисм, боб | | Эстрада хонандаси | | Ниш |
| | | Ўрик нави Олмош | | | | Қалин дарахтзор Вазн ўлчови | | | | |
| | | Ҳашарот | Ақлли | | | | | Нима Ҳол | | |
| АҚШ штати | | | | | | | | Наштар | | |
| | | Ушла | | | | | | Сура қисми Вақт | | |
| | | | | Асос тоши | | Пайгамбаримизнинг бо-болари | | | | |
| | | | Оға (шева) | | | | | Океан | Кир ювиш кукуни | |

www.ziyouz.com

BRAMSON ORT
COLLEGE www.BramsonORT.edu

QUEENS CAMPUS
69-30 Austin Street, Forest Hills
877-404-5373
Zoya Yakubova ext. 178

BROOKLYN CAMPUS
8109 Bay Parkway, Brooklyn
877-472-1097
Tatyana Golovko ext. 233

- ACCOUNTING
- PARALEGAL
- BUSINESS & HOTEL MANAGEMENT
- BUSINESS MANAGEMENT ONLINE DEGREE
- ADMINISTRATIVE ASSISTANT
- MEDICAL ASSISTANT
- PHARMACY TECHNICIAN
- PROFESSIONAL BILLING AND CODING
- ELECTRONICS TECHNOLOGY
- HVAC & CADD
- RENEWABLE ENERGY TECHNICIAN
- COMPUTER NETWORKING
- COMPUTER PROGRAMMING
- GRAPHIC DESIGN (MAC & PC)
- GAME DESIGN & PROGRAMMING
- WEB DESIGN & WEB ANIMATION
- ENGLISH AS A SECOND LANGUAGE

**GET YOUR
DEGREE!**

**LOW
TUITION!**

**REGISTER
TODAY**

**EDUCATION is
The SECRET to
SUCCESS!
Invest in YOUR
FUTURE!**

**OPEN HOUSE
EVERY
WEDNESDAY**

- ✓ ПОМОГАЕМ В ТРУДОУСТРОЙСТВЕ
- ✓ ОКАЗЫВАЕМ ФИНАНСОВУЮ ПОМОЩЬ

- ✓ КЛАССЫ ДИСТАНЦИОННОГО ОБУЧЕНИЯ
- ✓ ДНЕВНЫЕ, ВЕЧЕРНИЕ И УТРЕННИЕ КЛАССЫ

The Bramson ORT Programs Gainful Employment Disclosures are posted on www.BramsonORT.edu



ТЕРАПЕВТ Жанна Цукерман, MD

Врач наивысшей категории по лечению внутренних болезней.



АНАЛИЗ
ТЕСТЫ

ОБСЛЕДОВАНИЯ

НАШ СЕРВИС

- Диагностика общего состояния здоровья
- Определение риска сердечно-сосудистых заболеваний
- Анализ на заболевания передающиеся половым путем
- INR, анализ мочи
- Кардиограмма
- Маммография
- Тестирование нервной системы
- Профилактическая медицина
- Диабет и нарушение обмена веществ
- Лечение легочных заболеваний
- Лечение кожных заболеваний
- Физиотерапия и массаж
- Лечение гипертонии и других сердечно-сосудистых заболеваний
- Избавляем от пристрастия к курению и др. вредным привычкам и зависимостям
- Экспресс тесты
- Сонограмма
- CTscan, MRI, X-Ray
- Тесты на аллергены
- В офисе оформляется Medicaid
- Второе мнение (second opinion)
- Косметология (Botox, филлеры и др.)
- Советы диетолога и др. специалистов
- Внутривенные капельницы, прививки

“
**Индивидуальный
подход к каждому
пациенту!**”

ПРИНИМАЕМ ВСЕ
ОСНОВНЫЕ СТРАХОВКИ
Medicare и Medicaid

ОФИС РАБОТАЕТ
7 ДНЕЙ В НЕДЕЛЮ.
А так же в вечерные часы

514 OCEAN PARKWAY,
BROOKLYN, NY 11218
T: 718-484-7040

ПРИЕМ БЕЗ ОБРАЩЕНИЯ
БЕЗ ПРЕДВАРИТЕЛЬНОЙ
ЗАПИСИ